

四庫全書

子部

欽定四庫全書

子部

欽定淵鑑類函卷一百九十五
六

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣朱烜

謄錄監生臣蕭志鴻

欽定四庫全書

御定淵鑑類函卷一百九十五

文學部四

文字著述

文字一

增子思曰今天下車同軌書同文行同倫 揚子曰書

心畫也書法形君子小人見矣 中論曰藝者心之使

也故禮以考敬樂以敦愛射以平志御以和心書以綴

事數以理煩 顏氏家訓曰夫文字者墳籍根本 文

心雕龍練字篇曰夫文象立而結繩移鳥迹明而書契作斯乃言語之體貌文章之宅宇也 又曰先王聲教

書必同文 法書本象曰真書如立行書如行草書如

走 蘇軾題唐六家書後曰真生行行生草真如立行

如行草如走 書品曰及其轉注假借之流指事會意

之類莫不狀範毫端形呈字表開篇玩古則千載共朝

削簡傳今則萬里對面 又曰古文窮於真草書法盡

於六朝 說文序曰文象之本字者孳乳而生 鄭樵

通志曰獨體為文合體為字文有八象字有六類八象
不至則有假借之文六類不及則有假借之字 鄭寅
包蒙曰伏羲之八卦皆當時之古文也三皇尚忠五帝
尚質三王尚文八卦忠也古文質也籀文也篆則降而
霸矣隸其秦之法令書乎古隸之古文也八分隸之籀
也楷法隸之篆也飛白八分之流也行楷之行也草楷
之走也隸以規為方草則圓其矩而六書之道散矣

郭忠恕曰小篆散而八分生八分破而隸書出隸書悖

而行書行行書狂而草書聖自隸以下吾不欲觀 朱

子曰自隸興於秦而篆廢於漢初不過樂簡便以適已而已漢隸之流為晉隸則專務姿媚以悅人夫字者所以傳經載道述史記事治百官察萬民貫通三才何其小用哉秦漢晉而後若唐宋頗有肯尋蒼籀遺法者然不易得也 又曰晉之能者超於宋宋之能者多於唐表哀題書學纂要後曰漢魏以降書雖不同大抵皆有分隸餘風及至二王始復大變 戴侗曰侗聞諸先

人曰學莫大於格物致知取數多者書也天地萬物古今事變皆集於書 陶九成書史會要曰六書八卦之變也卦以六位而成書以六文而變 宋濂曰司馬光有言備萬物之體者莫過於字 方希古曰六書於民用最切其變為尤甚自篆而之分隸日趨簡便輕捷流蕩而無法

文字二

原按周易曰上古結繩而治後世聖人易之以書契蓋

取諸夬又黃帝垂衣裳蒼頡造文字然後書契作則其

始也 按說文蓋依類象形謂之文形聲相益謂之字

著於竹帛謂之書書有六義焉一曰指事二曰象形三
曰諧聲四曰會意五曰轉注六曰假借周禮曰保章氏
掌教國子六書是也古者子生六歲而教數與方名十
歲入小學學六甲書計之事則文字之謂也自黃帝至
三代其文不改秦焚燒先典乃廢古文更用八體一曰
大篆周宣王史籀所作也二曰小篆秦始皇時李斯趙

高胡毋敬所作也大小篆並簡冊所用也三曰刺符施於符傳也四曰摹印

亦曰繆篆

施於印璽也五曰蟲書為蟲

鳥之形施於幡信也六曰署書門題所用也七曰殳書

銘於戈戟也八曰隸書始皇時程邈所定六行公府也

漢氏因之至王莽居攝使甄豐刊定六體一曰古文二

曰奇字三曰篆書四曰隸書五曰繆篆六曰蟲書當代

以教童學焉又衛恒四體書勢曰漢興又有草書不

知作者姓名蓋兩漢銘勒雜以古文篆籀及八分為之

說文注曰張竝作草
又曰齊相杜操作

增又曰盛熙明云嘗覽竺典造

書之主凡三人曰梵曰伽盧曰蒼頡梵傳於印度其書

右行伽盧創於西域其書左行其季蒼頡居中夏其書

下行 原魏晉以還隸文遂盛蕭子良古今篆隸文體

有篆書楷書蓬書懸鉞書垂露書飛白書填書奠書鳥

書虎爪書偃波書鶴頭書象形篆尚方大篆鳳鳥書科

斗書蟲書龍虎書仙人書芝英書十二時書倒籀書麒

麟書金錯書蚊脚書凡數十種皆出於六義八體之書

而因事生變者也 增又按書史會要有瑞華書齊武

帝睹落英茂木而作花草書河東山肩所作雲霞書未
詳所出反左書晉孔敬通所作庾亮呼為衆中清閒法
又唐司馬承禎善篆別為一體名金剪書呂向工草
隸能以一草環寫百字若縈髮然世號連絲書 又按

宋史勾中正獻八體書太宗問凡有聲無字有幾中正
退條為一卷以獻上曰朕亦思得二十字可並書之

又按潛確類書仁宗時待詔李唐卿撰飛白三百點以

進書史會要曰蔡襄作飛草亦曰散草極其精妙曰神書又按遼史神冊五年始制契丹大字九月字成詔頒行之金史曰太祖命古新制國字熙宗又制小字謂古新所制為大字元史曰世祖至元六年命帕克斯巴制蒙古新字頒行諸路又按書史會要明夏昺本名昶選入庶常太宗嘗召見之謂曰太陽麗天日宜加於昶上昶宜作昺書有昺字始此餘創作文字者未有聞焉若善書諸家具在別門故不及

文字三

原效奎

取夬

孝經援神契曰奎主文章蒼頡效象洛龜曜書丹青垂萌畫字宋均注曰奎星

屈曲相鉤似文字之畫 下詳前叙

六書

八體

並詳前叙

懸鉞

倒竈

王愔文字志曰懸鉞小篆體也字必垂畫細末纖直如懸鉞故謂之懸鉞 又曰倒竈書者小篆體也垂支濃

直若竈葉也八體書亦國此法或云出扶風曹喜蕭子良以為仙人務光所作

銅隱

金錯

鄺善長水經注曰臨淄人發古墓得銅棺前和外隱起為隸字云齊太公六代孫胡公棺也惟三字是古餘同今書證知隸字出古非始於秦 王愔文字志曰金錯書八體書法不圖其形或云以銘金石故謂之金錯

垂露

偃波

王愔文字志曰垂露書如懸鉞而勢不道勁阿那若濃露之垂故謂之垂露

勢虞波疑要注曰尚書臺召人用虎爪書
告下用偃波書皆不可卒學以防矯詐

星離雲

布

衛恒四體書勢曰黃帝之史沮誦蒼頡眡彼鳥迹始
作書勢紀綱萬事垂法立制因聲會意類物有方日

處君而盈度月象臣而虧傍雲逶迤而上布星離
離以舒光 衛恒隸書勢曰煥若星陳鬱若雲布

六

義

八法

衛恒四體書勢曰字有六義其義見敘事
鮑昭飛白書勢曰秋毫精勁霜素凝鮮超工

八法盡
奇六文

視龜

變鳥

宋均注考經援神契曰蒼頡視
龜而作書則河洛之應與人意

所惟通矣

衛恒隸書勢
曰鳥迹之變乃惟佐隸

秦篆

周籀

漢書曰蒼頡
七章秦李斯

所作爰歷六章趙高所作博學七章胡毋敬所作文字
多取史籀篇而篆復頗異所謂秦篆者也

許慎說文

曰周宣王太史籀
作大篆十五篇

刪舊

蠲煩

上見崔瑗草書體
衛恒隸書勢曰蠲彼

煩文崇
此簡易

秦隸

漢草

衛恒四體書勢曰秦既用篆奏
事繁多字難成即令隸人佐書

曰隸字漢因行之
曰漢興有草書

許慎說文
以上初學記

增雨粟

感禾

淮南
子曰

蒼頡造字而天雨粟鬼夜哭高誘注曰自書契作詐偽
萌生去本趨末廢耕耨之業而務錐刀之利天知其將

餓故為雨粟鬼恐為文所勅故哭也
書史會要曰炎
帝神農氏始為耒耜教民稼穡感上黨羊頭山生嘉禾

一本九穗帝
異之作穗書

心畫

手法

楊子曰書心畫也傳千里
之志志者莫如書
胡廣

忠簡公翰墨記曰公嘗有言司馬文正公不喜人寶其
祖宗畫像但喜寶其祖宗之字蹟以為字心畫也手法

也見其字
如見其人

散隸

飛草

書史會要曰漢元帝時黃門
令史作急就章一篇解散隸

體麗書之損隸之規矩存字
之梗槩謂之草書
下見上

蕭籀

鍾隸

又曰蕭何
善篆籀草

隸嘗與張良陳隱等論筆謂筆者意也書者胥也力者通也塞者沒也何作未央宮碑思三月以題其額觀者如流水何便用禿筆書時謂之蕭籀 又曰 鍾繇字元常善正隸行草八分尤工於正隸 杜橐

丁真

千文曰杜橐鍾隸杜名度一作操字伯度齊相善草書掣波循利創質蓄怒章帝貴其跡詔上章表

用之故號章草草誕謂之草聖 國史纂曰陳永興寺僧智永師遠祖逸少歷紀專精攝齊升堂真草惟命智永章草及草書入妙行入能兄智楷亦 長舟 大輅

工丁硯亦善隸書時人云丁真永草

說文曰橫則如長舟之截小渚直則如春筍之抽寒谷徐鉉脩說文序曰稽夫八卦既畫萬象既分則文字

為之大輅載籍為之大轡

八設

十體

歐陽詢曰如長空之新月一若石如長空之新月一若

千里之陣雲一如萬歲之枯藤乙如崩松倒折落挂石崖丁如萬鈞之弩發一如利劍截斷之角一如一波常

三過筆所謂八法也書史會要曰唐元度精於小學作九經字樣辨正謬誤又為十體曰古文曰大篆曰小

篆曰八分曰飛白曰籀葉曰懸鉞曰垂露曰烏書曰連珠

四體

十法

法書本象曰隸有古

後漢漸區變八分矣張懷瓘用筆十法曰偃仰向背

陰陽相應鱗羽參差峰巒起伏真草偏枯斜正失則遲澀飛動射空玲瓏尺寸規度隨字轉變

霧結

霞舒

梁武帝曰詳察古今所精篆素盡善盡美其惟逸少乎觀其點畫之工裁成之妙煙霏霧結狀

若斷而復連鳳翥龍翔勢如斜而反直王禹偁謝賜御書表曰絳綃半幅霞舒舞鶴之姿宸翰三行雲繞迴

勢驚之

漏痕

霜畫

法書苑顏魯公與懷素同學草書於郭兵曹或問曰張長史見公孫

大娘舞劍得低昂回翔之狀兵曹有之乎懷素以古釵脚為對魯公曰何如屋漏痕舒元興玉箸志曰間行

長安會同里客有持陽冰真蹟者請歸客堂張之見蟲蝕鳥步痕跡若屈鐵石陷入屋壁龍蛇駭舞鱗甲活動皆欲飛去

日珥

星珠

玉海謝賜御書表曰日珥爛乎家楹星鉤灑於毫端又曰月壁星

珠

畫沙

墜石

凡墨藪曰張長史旭云褚河南論書謂凡用筆當如印印泥如錐畫沙初不

悟其意後於江岸以錐畫沙始信長史之言貴藏鋒也下見上八設注

屈玉

生金

寶泉

篆贊曰釵頭屈玉鼎足垂金書史會要曰褚遂良字登善工楷隸初師虞世南晚造羲之真書尤得媚處識

者比之瓊臺青瑣窗映春林或又謂字裏金生行間玉潤

擘窠

撥鐙

顏真卿請乞御書題

放生池碑額表曰臣今謹據石擘窠大書一本隨表奏進林蘊撥鐙序曰盧肇謂蘊曰用筆之方不在於力

虛掌實指指入掌東西上下何所闕焉昔受教於韓吏部其法曰撥鐙推拖撚拽是也

隼尾

魚紋

墨藪曰草書須緩前急後有點者字竟乃安隸書有擊石波八分書有隼尾波最難作李嗣真書

評曰梁耿書如錯落魚紋縱橫鳥迹

龍騰

虎臥

玉海謝賜御書表曰龍騰鳳掣出入造化

躡絲轢義前無千古梁武評義之書謂如龍躍天門虎臥鳳闕故歷代寶之

渴驥

早蛟

書史會要曰徐浩字季海嶠之子初授法於父真行草隸皆工論者謂其力如怒猊披石渴驥奔泉唐書傳曰歐陽詢為太子率更令嘗書千文周越題云早蛟得水兔兔走穴言不誣邪

文字四

增銀鉤

潛確類書云畫欲堅重如鐵鉤欲活而有力如銀

金錯

書史會要曰南唐李後主

煜工書畫其作大字不事筆卷帛而書之皆能如意世謂撮襟書復喜作顛掣勢人又目其狀為金錯書

螭匾

書史會要吾衍曰篆法匾者最好謂之螭匾書徐鉉謂非老手莫能到石鼓文是也

連縣

見上

鳳尾諾

南史傳曰齊江夏王鋒五歲高帝使學鳳尾諾一學即工高帝大悅以玉麒麟賜之

曰麒麟賞鳳尾矣按鳳尾諾起於晉元帝

五雲體

唐書傳曰韋陟字商卿封郇公常以五彩牋為

書記使侍姬主之其裁答授意而已陟惟署名自謂所署陟字若五朵雲時人慕之號郇公五雲體

鸞

翔鳳翥

韓愈石鼓歌曰鸞翔鳳翥衆仙下珊瑚碧樹交枝柯

文字五

原詩隋江總借劉太常說文詩曰劉棻慕子雲許慎詢景伯碩學該蟲篆奇文秀鳥跡曰余徒下帷待問垂重

席不詣王充市聊投班玩籍三寫徧鑽研六書多補益
幽居服藥餌山宇生虛白留連嗣芳杜曠蕩依泉石夫
君愛滿堂願言馳下澤唐岑文本奉述飛白書勢詩
曰六文開玉篆八體曜銀書飛毫列錦繡拂素起龍魚
鳳舉崩雲絕鸞驚游霧疎別有臨池草恩霑垂露餘

增李白草書歌行曰少年上人號懷素草書天下稱獨
步墨池飛出北溟魚筆鋒殺盡中山兔八月九月天氣
涼酒徒詞客滿高堂牋麻素絹排數箱宣州古研墨色

光吾師醉後倚繩牀須臾掃盡數千張飄風驟雨驚颯
颯落花飛雪何茫茫起來向壁不停手一行數字大如
斗恍恍如聞神鬼驚時時只見龍蛇走左盤右蹙如驚
電狀同楚漢相攻戰河南七郡凡幾家家屏上書題
徧王逸少張伯英古來幾許浪得名張顛老死不足數
我師此義不師古古來萬事貴天生何必要公孫大娘
渾脫舞 杜甫殿中楊監見示張旭草書圖詩曰斯人
已云亡草聖祕難得及茲煩見示滿目增悽惻悲風生

微綃萬里有古色鏘鏘鳴玉動落落羣松直連山蟠其
間溟漲與筆力有練實先書臨池真盡墨俊拔為之主
暮年思轉極未知張王後誰並百代則嗚呼東吳精逸
氣感清識楊公拂篋笥舒卷忘寢食念昔揮毫端不獨
觀酒德 又李潮八分小篆歌曰蒼頡鳥跡旣茫昧字
體變化如浮雲陳倉石鼓又已訛大小二篆生八分秦
有李斯漢蔡邕中間作者寂不聞嶧山之碑野火焚棗
木傳刻肥失真苦縣光和尚骨立書貴瘦硬方通神惜

哉李蔡不復得吾甥李潮下筆親尚書韓擇木騎曹蔡
有鄰開元以來數八分潮也奄有二子成三人況潮小
篆逼秦相悛劒長戟森相向八分一字直百金蛟螭盤
拏肉屈強吳郡張顛誇草書草書非古空雄壯豈如吾
甥不流宕丞相中郎丈人行巴東逢李潮逾月求我歌
我今衰老才力薄潮乎潮乎奈汝何

增賦唐封希顏六藝賦曰若乃墨妙之場淫書之客轉
注別態圓方自適萬仞崩雲千巖落石垂露霑於絢綺

飛花散於竹帛觀夫始用契以代繩何樸略之難同而智巧之所易也

增序隋書文學傳潘徽韻纂序曰文字之來尚矣初則羲皇出震觀象緯以法天次則史頡佐軒察蹄迹而取地於是八卦爰始爻文斯作繩用既息墳籍生焉至如龍箴授河龜威出洛綠綈白檢述勛華之運金繩玉字表夏殷之符卸甲示於姬壇吐卷徵於孔室莫不理包遠邇迹會幽明仰協神功俯照人事故能宣流萬代正

名百物為生民之耳目作後王之規範 宋徐鉉重脩

說文序曰臣徐鉉等奉詔校定許慎說文十四篇并序
目一篇凡萬六百餘字聖人之旨蓋云備矣稽夫八卦
既畫萬象既分則文字為之大輅載籍為之六轡先王
教化所以行於百代及於萬物之功與造化均不可忽
也雖復五帝之後改易殊體六國之世文字異形然猶
存篆籀之迹不失形類之文乃暴秦戰攻散隸聿興便
於末俗人競師法古文既絕譌偽日滋至漢宣帝時始

命諸儒脩蒼頡之法亦不能復故光武時馬援上疏論
文字之譌謬其言詳矣及和帝時申命賈逵修理舊文
於是許慎采史籀李斯揚雄之書博訪通人考之於賈
逵作說文解字至安帝十五年始奏上之而隸書行之
已久習之益工加以行草八分紛然間出返以篆籀為
奇怪不復經心至於六籍舊文相承傳寫多求便俗漸
失本原爾雅所載草木魚鳥之名肆意增益不可觀矣
諸儒傳說亦非精究小學之徒莫能矯正唐大厯中李

陽冰篆迹殊絕獨冠古今自云斯翁之後直至小生此
言為不妄矣於是刊定說文脩正筆法學者師慕篆籀
中興然頗排斥許氏自為臆說夫以師心之見破先儒
之祖述豈聖人之意乎今之為字者亦多從陽冰之新
義所謂貴耳賤目也唐末喪亂經籍道息皇宋膺運二
聖繼明人文國典粲然光被興崇學校登進羣才以文
字者六藝之本固當率由古法乃詔取許慎說文解字
精加詳校垂憲百代臣等愚陋敢竭所聞蓋篆書堙替

為日已久今以集書正副本及羣臣家藏者備加詳考
有許慎注義序例中所載而諸部不見審知漏落悉從
補錄復有經典相承傳寫及時俗要用而說文不載者
承詔附益之以廣篆籀之路亦皆形聲相從不違六書
之義者其間說文具具有正體而時俗譌變者則具於注
中其有義理乖舛違戾六書者並序列於後俾夫學者
無或致疑大抵此書務援古以正今不徇今而違古若
乃高文大冊則宜以篆籀著之金石至於常行簡牘則

草隸足矣又許慎注解詞簡義奧不可周知陽冰之後
諸儒箋述有可取者亦復附益猶有未盡則臣等粗為
訓釋以成一家之學時未有反切後人附益互有異同
孫愐唐韻行之已久今並以孫愐音切為定庶夫學者
有所適從食時而成既異淮南之敏縣金於市曾非呂
氏之精塵瀆聖明若臨冰谷 又說文解字韻譜序曰
昔伏羲畫八卦而文字之端見矣蒼頡摹鳥迹而文字
之形立矣史籀作大篆以潤色之李斯變小篆以簡易

之其美至矣及程邈作隸而人競趣省古法一變字義寢譌先儒許慎患其若此故集倉鴉之學研六書之旨博訪通識考於賈逵作說文解字十五篇凡萬六百字字書精博莫過於是篆籀之體極於斯焉其後賈鮪以三蒼之書皆為隸字隸字始廣而篆籀轉微後漢及今千有餘歲凡善書者皆草隸焉又隸書之法有刪繁補闕之論則其譌偽斷可知矣故今字書之數累倍於前夫聖人創制皆有依據不知而作君子慎之及史闕文

格言斯在若草木魚鳥形聲觸類長之良無窮極苟不折之以古義何足以觀故叔重之後玉篇切韻所載習俗雖久要不可施之於篆文往者李陽冰天縱其能中興斯學贊明許氏與焉英發然古法背俗易為堙微方今許李之書僅存於世學者殊寡舊章罕存秉筆操觚要資校閱而偏旁奧密不可意知尋求一字往往終卷力省功倍思得其宜舍弟錯特善小學因命取叔重所記以切韻次之聲韻區分開卷可觀錯又集通釋四十

篇考先賢之微言暢許氏之元旨正陽冰之新義折流俗之異端文字之學善矣盡矣今此書止欲便於檢討無恤其他故聊存古訓以為別識其餘敷衍有通釋五音凡千卷貽諸同志云

增書唐李陽冰上李大夫論古篆書曰陽冰志在古篆殆三十年見前人遺迹但偏傍模刻而已緬想聖達造書之意乃復仰觀俯察六合之際焉於天地山川得方圓流峙之形於日月星辰得經緯昭回之度於雲霞草

木得霏布滋蔓之容於衣冠文物得揖讓周旋之體於
鬚睂口鼻得喜怒慘舒之分於蟲魚禽獸得屈伸飛動
之理於骨角齒牙得擺拉咀嚼之勢隨手萬變任心所
成可謂通三才之氣象備萬物之情狀者矣常痛孔壁
遺文汲冢舊簡年代寢遠謬誤滋多蔡中郎以豐同豐
李丞相將東為宋魯魚一惑涇渭同流學者相承靡所
遷復每一念至未嘗不攬筆長歎焉

增論唐張懷瓘文字論曰以筋骨立形以神情潤色雖

迹在塵寰而志出雲霄靈變無常務於飛動探彼意象
入此規模

原雜文漢崔瑗草書勢曰書體之興始自頡皇寫彼鳥
迹以定文章爰暨末葉典籍彌繁時之多僻政之多權
官事荒蕪勦其墨翰惟作佐隸舊字是刪草書之法蓋
又簡略應時諭旨用於卒迫兼功并用愛日省力純儉
之變豈必古式觀其法象俯仰有儀方不中矩圓不副
規抑左揚右望之若敬竦企鳥跂志在飛移狡獸暴駭

將奔未馳或黥點染狀似連珠絕而不離蓄怒拂鬱放
逸生奇或凌遽而惴慄若據槁而臨危傍點斜附似螳
螂而拘枝絕筆放體餘綫糾結若山蠱施毒看隙緣巖
騰蛇赴穴頭沒尾垂是故遠而望之濯焉若沮岸崩涯
就而察之即一畫不可移纖微要妙臨時從宜略舉大
較彷彿若斯 蔡邕篆書勢曰字畫之始因於鳥迹蒼
頡循聖作則制文體有六篆巧妙入神或龜文斜列櫛
比龍鱗紆體放尾長短副身頽若黍稷之垂穎蘊若蟲

蛇之棼縕揚波振激龍躍鳥震延頸脅翼體似凌雲或
輕舉內投微本濃末若絕若連似露緣絲垂凝下端從
者如懸衡者如編杪者邪趣不方不圓若行若飛蚊蚊
翾翾遠而望之象鴻鵠羣遊絡繹遷延迫而察之端際
不可得見指撝不可勝原研桑不能數其詰屈離婁不
能覩其隙間般倕揖讓而辭巧籀誦拱手而韜翰處篇
籍之首目粲粲斌斌其可觀摘華豔於紈素為學藝之
範閑嘉文德之弘懿蘊作者之莫刊思字體之類仰舉

大略而論旃

晉成公綏隸書體曰皇頡作文因物構

思觀彼鳥迹遂以成意閱之後嗣存載道義綱紀萬事

俗所傳述實由書記時變巧易古今各異蟲篆旣繁草

豪近偽適之中庸莫尚於隸規矩有則用之簡易隨便

適宜亦有弛張操筆假墨抵押毫芒彪煥礫落形體抑

揚芬葩連屬溢分羅行爛若天文之布曜蔚若錦繡之

有章或輕拂徐振緩按急挑挽橫引從左牽右繞長波

鬱拂微勢縹緲工巧難傳善之者少應心隱手必由意

曉爾乃動纖指舉弱腕握素紉染元翰彤管電流雨下
電散點點折怵掬挫安案繽紛絡繹華藻燦爛組網卓
犖一何壯觀繁縟成文又何可翫章周道之郁郁表唐
虞之輝煥若乃八分璽法殊好異制分白賦黑綦布星
列翹首舉尾直刺斜掬繾綣結體騰彩奮節或若虬龍
盤游蜿蜒軒翥鸞鳳翱翔矯翼欲去或若鷺鳥將擊并
體抑怒良馬騰驤奔放向路仰而望之鬱若霄霧朝升
游煙連雲俯而察之凜若清風厲水漪瀾成文垂象表

式有模有楷形功難詳聊舉大體

增贊宋蘇軾文與可飛白贊曰美哉多乎其盡萬物之
態也霏霏乎其若輕雲之蔽月飏飏乎其若長風之卷
旆也猗猗乎其若游絲之縈柳絮裊裊乎其若流水之
舞荇帶也離離乎其遠而相屬縮縮乎其近而不隘也

著述一

增法言曰或曰述而不作元何以作曰其事則述其書
則作 禮記曰作者之謂聖述者之謂明 穎容春秋

例曰著述之事前有司馬遷揚雄後有鄭衆班固近即馬融鄭玄其所著作違義正者略舉一兩事以言之史記不識畢公文王之子而云與周同姓揚雄法言不識六十四卦云所從來遠矣胡安國春秋隱元年傳曰按舜典紀元日商訓稱元祀此經書元年所謂祖二帝明三王述而不作者也正次王王次春乃立法創制裁自聖心無所述於人者非史冊之舊文矣史記太史公曰虞卿非窮愁不能著書以自見於後世又自序

曰夫詩書隱約者欲遂其志之思也昔西伯拘於羑里
演易孔子厄於陳蔡作春秋屈原放逐乃著離騷左丘
失明厥有國語孫子臚脚而論兵法不韋遷蜀世傳呂
覽韓非囚秦說難孤憤詩三百篇大抵聖賢發憤之所
為作也此人皆意有所鬱結不得通其道也故述往事
思來者於是卒述陶唐以來至於麟止自黃帝始新
語道基篇曰於是後聖乃定五經明六藝承天統地窮
事鼓微原情立本以叙人倫宗諸天地鼓脩篇章垂諸

來世被諸鳥獸 抱朴子曰孔鄭之門耳聽口受者滅
絕而託竹素者為世寶也

著述二

增南史傳曰蕭恭字敬範封衡山縣侯時元帝勤心著
述恭每從容謂曰下官歷觀時人多有不好權輿乃仰
眠牀上看屋梁著書千秋萬歲誰傳此者勞心苦思竟
不成名 宋史傳曰程頤嘗言今農夫祁寒暑雨深耕
易耨播種五穀吾得而食之百工技藝作為器用吾得

而用之介冑之士披甲執銳以守土宇吾得而安之無
功澤及人而浪度歲月晏然為天地間一蠹惟綴輯聖
人遺書庶幾有補 又曰程迴卒朱熹以書告子絢曰
敬惟先德博聞至行追配古人釋經訂史開悟後學曾
不得一試然著書滿家以傳世是亦足以不朽 金樓
子曰王仲昔在荊州著書數十篇荊州壞盡焚其書今
在者一篇知名之士咸重之見虎一毛不知其斑 文
心雕龍史傳篇曰至於晉代之書繫乎著作陸機肇始

而未備王韶續末而不終干寶述紀以審正得序孫盛
陽秋以約舉為能 宋劉器之曰孔子年六十六歲乃
始刪詩定書繫周易作春秋蓋是時學問成矣涉世深
矣故其述作始可為萬世法古人著書多在晚年蓋為
此也

著述三

原反騷

刪史

揚雄好古樂道欲窮文章成名於後以經莫大於論語作法言史篇莫善於蒼

頡作訓纂以箴莫善於虞箴賦莫大於離騷反而廣之辭莫及於相如作四賦用心於內不求於外 楊終字

于山為校書郎受詔刪定
太史公書為十餘萬言

為業

竊名

班固字孟堅
典校書篤志

於儒以著述為業
向秀於莊子舊注外為解義妙析
奇致大暢元風惟秋水至樂二篇未竟而卒秀子幼其
義零落有郭象者見秀義不傳於世遂竊以為己注
其二篇點定文句而已秀本後出故今有向郭二注

晉郎

周史

晉著作郎周左
右史之任也

增埤雅

變騷

山堂肆
考云陸

佃著佃既注爾雅又為此書以為爾雅之輔也
續文獻通考曰變離騷九篇高元之著九篇者曰
懲畸志曰臣薄才曰惜來日曰力微曰危衷曰悲媚媚曰
古誦曰緹恩人共稱傳之謂宋人擬騷弗及也
非國

語

反招魂

柳宗元非國語自序曰左氏國語其文深
閎傑異而其說多誣淫懼學者溺於文采

而淪於是非本諸理作非國語六十三篇
皮子以忠放不如招魂序曰屈原作大招宋玉作招魂皮子以忠放不如

守介而死奚招魂為故
作反招魂一篇以辨之

原澹雅沈鬱

研精覃思劉歆

與揚雄書云非子雲澹雅之才沈鬱之思不能成此書
孔安國尚書序云承詔為五十九篇作傳於是遂研

精覃思博考經籍采摭羣言以立訓傳
約文申義敷暢厥旨庶幾有補於將來

兼麗卿雲

繼迹遷固

范蔚宗後漢書班固傳贊云二班懷文裁成
帝墳比良遷董兼麗卿雲華嶠序集云嶠

作後漢書百卷張華等稱其良史之才足
以繼迹遷固乃藏之祕府與三史並流

增詞嚴理

正言典事諒

晉書傳曰孫盛著晉陽秋詞嚴而理正
咸稱良史焉唐書傳曰鄭虔長於地

里山川險易方隅物產兵戎衆寡無不詳嘗
為天寶軍防錄言典事諒諸儒服其善著書

發明舊

義追終先志

唐書傳曰姚弋仲始曾祖察嘗撰漢書訓
纂而後之注漢書者多竊取其說以為

已說罕於是著紹訓以發
明舊義 下注見上史二

兩書並行 五臣同注 曰又

李邕父善淹貫古今不能屬詞故號書麓始注文選釋
事而忘義書成以問邕邕不敢對善詰之邕欲有所更
定善曰試為我補之邕附事見義善以其不可奪故兩
書並行 又曰呂向嘗以李善釋文選為繁醲與呂延
濟劉良張銑李周翰更
為詁訓時號五臣注 詔藏祕閣 寫付司經 又曰
魏王

泰奏撰括地志凡百五十篇歷四朞成詔藏祕閣詳求
書注 又曰許叔牙嘗撰毛詩纂義十卷以進太宗令

寫付司經局

含英咀華 接光並烈 韓愈進學解曰
沈浸醲郁含英

詳毛詩二

咀華作為文章其書滿家 記纂淵海曰古者著述多

矣雖復門千戶萬波委雲集而言皆瑣碎事必叢談固

難以接光塵於五傳並輝烈

為傳百篇 著書一卷

於三史強著一書受嗤千載

唐書傳曰蕭穎士嘗謂仲尼作春秋為百王不易法而司馬遷作本紀書表世家列傳敘事依違失褒貶不足以訓乃起漢元年訖隋義寧編年依春秋義類為傳百篇下見王冕載書

居易置餅

九成貯甕

鼂氏讀書志曰白居易撰六帖凡天地事物分門類為對偶而不載所出世傳以陶家餅

數十各題名目命諸生采集其事投餅內倒取之鈔錄成書故所記時代多無次序明詩紀事曰陶九成字

宗儀家於南邨作勞之暇休於樹陰有所得摘葉書之貯一破盎去則埋樹下如是十載埋甕至十數編次成

書世所傳南邨輟耕錄是也又著說郛

劉蛻文冢

東坡墨池

劉蛻梓州兜率

寺文冢銘曰文冢者長沙劉蛻復愚為文不忍棄其草聚而封之也齊安志云東坡寓黃州著論語解池水

皆黑今之洗墨池其遺迹也

言五德始終

論六家要指

劉向別傳云鄒

衍所言五德之始終天地之廣大書云天事故曰談天
漢書司馬遷傳云太史公學天官於唐都受易於楊
何習道論於黃子太史公仕於建元元封之間
愍學者不達其意而師詩乃論六家之要旨
周公

著爾雅

揚雄草太玄

爾雅序疏張揖云昔在周公制
禮以導天下著爾雅一篇以釋

其義傳乎後學歷載五百墳典散落惟爾雅尚存揚
雄解嘲序云哀帝時丁傅董賢用事諸附離之者起家
二千石時雄方草創太玄有以自守泊如也
人有嘲雄以玄之尚白而雄解之號曰解嘲
遷固以

來不及

延壽可以亞之

又夾漈鄭氏曰按隋志極有
倫理而本末分明遷固以來

不及也又司馬公曰李延壽之書敘事簡徑比於南
北正史無煩冗蕪穢之詞陳壽之後惟延壽可以亞之

文王著九六之爻

孔子作三朝之記

帝王世紀云
文王拘於羑

里演六十四卦著九六之爻謂之周易 劉向七略
曰孔子三見哀公作三朝之記七篇今在大戴禮

仲尼經成紫微降光 子雲著玄鳳皇集上

上見抱朴子云西

京雜記云揚雄著太玄經夢吐鳳皇集玄之上頃而滅

著述四

原剖判百家

劉歆集序云歆字子駿受詔與父向校衆書著七略以剖判百家

箴縷

百家

盧植鄭文勝誅云自歆末成童著書十餘箱文體思奧爛有文章箴縷百家云云

朱撫

羣言

孔安國尚書序

錯綜經文

杜預左傳序云古今言左氏春秋者多矣今其遺文可見

者十數家大體轉相祖述進不成為錯綜經文以盡其變退不守丘明之傳於丘明之傳有所不通皆沒而不

說

暴之於市

高誘呂氏春秋序云呂不韋為相國號稱仲父不韋乃集儒書使著其所聞為

十二紀八覽六論訓解各十餘萬言備天地萬物古今之事名為呂氏春秋暴之咸陽市門懸千金其上有能

增損一字者與千金時人無能增損者誘以為人非不能蓋憚相國畏其勢耳

傳在民間

張霸

事見

大義粲然

後漢班固傳論曰司馬遷班固父子其言史官載籍之作大義粲然著矣

議者咸稱二子有良史之才遷文直而事覈固文瞻而事詳若固之序事不激詭不抑抗瞻而不穢詳而有體使讀之者疊疊而不厭信哉其能成名也多為時諱

王沈集序云沈撰魏書多為時諱未若陳

壽之實錄也

述而不作

論語

引而伸之

易繫云引而伸之觸類而長之案乾

為天為玉離為火為日坎為水為雲是觸類而長之義也

增千金不易

見上暴之於市

注

千馬不易

北齊書傳曰劉晝字孔昭自謂博物奇才好矜大每言使我數十卷書行於後

世不以易齊景之千馬也

長於論衡

山堂肆考云趙奕嘗著吳越春秋等書蔡邕見之歎息以

為長於論衡

不減過秦

宋書傳曰范蔚宗左遷宣城太守不得志乃刪衆家後漢書為一家

之作與諸甥姪書曰吾雜傳有精意深旨至於循吏以下序論筆勢縱放實天下之奇作其中合者往往不減

過秦漢晉春秋

山堂肆考曰習鑿齒襄陽人習郁之後博學洽聞清才秀逸桓溫辟為從事累

遷別駕溫覬覬非望鑿齒著漢晉春秋凡五十四卷以裁正之

魯後春秋

唐書傳曰劉允濟采

魯哀公後十二世接戰國為魯後春秋獻之遷左史

此為不朽

宋書傳曰裴松之高祖使注陳

壽三國志松之鳩集傳記增廣異聞既成奏之上善之曰此為不朽矣

此書可傳

唐書傳曰

太宗閱陸德明經典音義美其弘義學者數曰德明雖亡此書可傳賜其家布帛百匹

讀史至

言

又曰褚無量所撰述百餘篇歿後有於書殿得讀史至言十二篇上之帝歎息以絹五百匹賜其家

讀史管見

文獻通考陳氏曰讀史管見建安胡寅以通鑑事備而義少故為此書議論宏偉嚴正問

有感於時事

孟堅忠臣

唐書傳曰顏師古為太子承乾注班固漢書時謂顏祕書為孟堅忠

臣

綱目忠臣

宋濂孔克表通鑑綱目附釋序曰聞是書之成不能無舛訛李心傳謂唐肅宗

時直脫二年事至德八年以後迄於天祐甲子多差孔君尚有以刊定之庶幾為綱目之忠臣也歟

五

經正義

孔穎達見總載二

六經法言

唐書傳曰路隋為侍講學士米皇王興哀著六

經法言二十卷奏之旋拜諫議大夫

宦遊著書

山堂肆考云段成式字柯古博學強記多識奇

篇祕籍嘗宦遊至辰著
酉陽雜俎書數十篇

杜門著述

吾學編傳曰黃鞏
字伯固莆田人弘

治十八年進士補武選正德十四年春疏
六事忤江彬廷杖除名杜門著述而已

隱几著書

陸龜蒙笠澤叢書自序曰自乾符六年春卧
病笠澤遇體中不甚羸耗時亦隱几著書

構亭著

書

金史傳曰元好問著金源野史構亭著書其上凡金
源君臣遺言往行采摭所聞有所得輒以寸紙細字

為記錄今所傳有中州集及壬辰編
雜編若干卷纂脩金史多本其所著

原覃思不闕門

後漢書云何休字邵公為人質樸訥口而雅有心思精
研六經世儒無及者以列卿子詔拜郎中非其好也辭
病而去不仕州郡進退必以禮太傅陳蕃辟之與參政
事蕃敗休坐廢錮乃作春秋公羊解詁覃思不闕門十
有七年

覃思以終業

後漢鄭玄戒子書曰今我告爾以
老歸爾以事將閑居以安性覃思

以終業自非拜國君之命問族親之憂展敬墳墓

門

牆施筆研

謝承後漢書云王充貧無書往市中省所賣書一見便憶門牆屋柱皆施筆研著論衡

戶牖置刀筆

范蔚宗後漢書云王充少貧而受業於班彪恥為俗儒閉門潛思絕慶弔戶牖

置刀筆著論衡

八十五篇也

孔子作象象

論衡云伏羲作八卦文王演為六十四卦孔子

作象象繫辭三聖重業易乃具足

老子作道德

列仙傳云老子乘青牛車去入秦過函谷

關關令尹喜待而迎之知真人也乃強使著書作道德上下經二卷

仲舒作繁露

西京雜記

云董仲舒夢蛟龍入於懷乃作春秋繁露

注丹作通論

東觀漢記云注丹字子玉世傳孟氏

易作通論七篇世傳之號注君通論

隗禧作經解

魏略云隗禧撰作諸經解數十萬言未及

繕寫成編而遽得聲疾

景鸞撰禮略

益都耆舊傳云景鸞字漢伯少隨師學經涉七州之

地作易說及詩解文句兼取河洛以類相從名為奧集又撰禮內外記號曰禮略

可為終身

記

春明退朝錄劉中山見徐堅初學記愛其書曰非止初學可為終身記

增補馬遷之

缺

鼂氏讀書志曰蘇轍古史自伏羲神農訖始皇為七本紀十六世家三十七列傳以補司馬遷之缺

正陳壽之失

郝經神道碑曰既處幽所日以立言載道為務撰續後漢書還統章武以正陳壽之

失

精力盡於此書

司馬光進資治通鑑表曰前後六任聽以書局自隨得以研精覃慮

窮竭所有日力不足繼之以夜徧閱舊史旁采小說上起戰國下終五代凡一千三百六十二年脩成二百九十四卷臣之精力盡於此書

精力幾盡此書

文獻通考曰續通鑑長編李燾撰先是司

馬光作資治通鑑纂集用光義例廣記備言錯綜銓次皆有據依自表云聚九朝累世之見聞精力幾盡此書

自成一家之言

又陳氏曰皇王大紀胡宏撰述皇王五帝至周赧王博采經傳時有

論說自成一家之言

卓然一家之作

元史傳曰吳澄少暇即著書於易春秋禮記各有纂

言條歸紀敘精明簡潔卓然成一家之作

居青蘿山纂述

吾學編傳曰宋濂字景濂浦江

人自少至老未嘗一時去書致仕居青蘿山閉門纂述

隱青巖山著書

又曰王禕字子

充義烏人戊子元政亂為書七八千言上時宰嫌其切直格不聞危素張起巖並薦之不起隱青巖山著書

原張霸造百兩尚書

論衡云孝景帝時魯共王壞孔子教授堂以為殿得百篇尚書

於牆壁中武帝使使者取視莫能讀者遂祕於中外不得見至孝成皇帝時徵為古文尚書學東海張霸案百

篇之序空造百兩之篇獻之成帝帝出祕百篇以校之皆不相應於是下霸於吏吏白霸罪當至死成帝高其才而不誅亦惜其文而不滅故百兩之篇傳在民間者傳見之人則謂尚書本有百兩篇矣

服虔

作春秋傳解

後漢書云服虔字子慎少以清苦建志入太學受業有雅才善著文論作春秋左氏

傳解行之至今又以左傳駁何休之所駁漢事六十條

時時著書人又取去

漢書

云司馬相如病免官家居茂陵天子曰司馬相如病甚可往從悉取其書使所忠往而相如已死家無遺書問其妻對曰長卿未嘗有書也時時著書人又取去

退論書策以舒憤思

司馬遷答

任少卿書云如左丘明無目孫子斷足終不可用退而論書策以舒其憤思垂空文以自見僕竊不遜近自託於無能之辭網羅天下放失舊聞略考其行事綜其終始稽其成敗興壞之紀亦欲以究天人之際通古今之

變成一家之言

增上下千載覃精三紀

呂溫代陸博士進集注春秋表曰臣不揣

蒙陋思窺聖奧以故潤州刺史丹陽縣主簿啖助為嚴師以故洋州刺史趙匡為益友考公穀之善否辨公穀之疎密輒集注春秋勒成十卷上下千載覃精三紀元首雖白濁河以清微臣何幸與道俱泰

貫通

經典采摭史傳

吾學編傳曰石琚字邦彥棗城人歷武英殿大學士博覽古今號通儒其所著

書多附正義羽翼經史

耕牧餘暇輒復著書

蕭穎士為陳正卿進續尚書表曰臣

誠愚陋竊不自揆敢緣聖朝稽古之道陛下文思之德耕牧餘暇輒復著書討尋載籍於茲一紀謹上今文尚書一部凡若干卷

每思君親輒有著述

遠史傳曰耶律資忠再使留弗遣每懷君

親輒有著述號西亭集

原把三寸弱翰齋油素四尺

揚雄荅劉歆書曰有

詔令尚書賜筆墨錢六萬得觀書於石渠如是後一歲作繡補靈節龍骨之銘詩三章成帝好之遂得盡意故天下上計孝廉及內郡衛率會者雄常把三寸弱翰齋油素四尺以問其異語歸即以鉛摘次之於繫

著書不起草占授數萬言

應璩與王子雍書云足下著書不起草占授數萬言言不

改定事合古典無不歎息也

艾夷煩亂翦截浮辭

孔安國尚書序云討論墳典斷

自唐虞以下訖於周艾夷煩亂翦截浮辭舉其宏綱撮其機要足以垂世立教典謨訓誥誓命之文凡百篇

貫串經傳馳騁古今

漢書司馬遷贊云司馬遷據左氏國語采世本戰國策述楚漢

春秋接其後事次於大漢其言秦漢詳矣至於采經摭傳分散數家之事甚多疏略或有牴牾亦其涉獵者廣博貫串經傳馳騁古今上下數千載間斯以勤矣

集先代絕言采異國殊語

劉歆與揚子雲書云集先代絕言采異國殊語以為十五卷

協六經異傳齊百家

雜語

漢書司馬遷傳云略三代錄秦漢上記軒轅下至於茲以拾遺補藝成一家言協六經異傳齊百家

雜語藏之名山副在京師以俟後聖君子

因史記作春秋纂異同為國語

漢書司馬遷贊云孔子因魯史記而作春秋而左丘明論輯其本事以為之傳又纂異同為國語

贊

易道以黜八索述職方以除九丘

孔安國尚書序云先君孔子生於周末觀

史籍之煩文懼覽之者不一遂乃定禮樂明舊章刪詩為三百篇約史記而脩春秋云云

增劉知

幾著史通

鼂氏讀書志曰史通二十卷劉知幾撰知幾長安神龍間三為史官頗不得志乃以前代

書史序其體法掇其得失著為評論當時徐堅深重之云居史職者宜置此座右

杜君卿著

通典

又云通典二百卷唐宰相杜佑著先是劉秩采經史自黃帝迄天寶末制度沿革廢置議論得失倣

周禮六官為政典三十五篇房琯稱其才過劉向佑以為未盡因廣之參以今禮為二百篇以食貨選舉職官

禮樂州郡邊防八門分類

吳兢著貞觀政要

又貞觀政要十

卷唐吳兢撰兢以唐之極治貞觀為最故采時政之可備勸戒者上之於朝凡十四篇

歐陽詢

著藝文類聚

又藝文類聚一百卷歐陽詢著分門類事附見前代詩賦贊頌牋啓之作

虞

世南著北堂書鈔

見寫書注

顏真卿注韻海鏡流

又大歷中刑部

尚書顏真卿以陸德明切韻未弘乃纂九經子史字義著韻海鏡流三十卷上之詔下祕閣及集賢院貯之

蕭嵩著開元禮

文獻通考陳氏曰開元禮一百五十卷唐集賢院學士蕭嵩王仲丘等撰開

元十四年通事舍人王函請刪禮記舊文益以今事張說以為不可宜折衷貞觀顯慶以為唐禮乃詔徐堅李銳施敬本撰述蕭嵩王仲丘繼之書成

李肇著國史補

又鼂氏曰國史補二卷唐李肇

撰初劉餗記元魏迄唐開元事名曰國朝傳記故肇續之

張九齡著千秋金鏡錄

唐書傳曰張九齡字子壽初千秋節王公並獻寶鑑九齡上事鑑十章號千秋金鑑錄

李吉甫

著元和郡國志

文獻通考陳氏曰元和郡國志四十卷李吉甫著自京兆至隴右凡四十七鎮

篇目皆有圖今圖不存

李昉著太平御覽

又鼂氏曰太平御覽一千卷李昉等撰陳

氏曰以前代脩文御覽藝文類聚文思博要及諸書參繹條次脩纂本號太平編類太平興國二年受詔八年

書成改名御覽

楊億著冊府元龜

又鼂氏曰景德二年詔王欽若楊億等脩君臣事迹

惟取六經子史不錄雜書
凡一千卷賜名冊府元龜

周敦頤太極圖

宋史傳曰周敦頤著

太極圖又著通書發明太極之蘊言約而體
大文質而義精孔孟之本源大有功於學者

歐陽脩

著五代史

見史二

程頤著易傳

見易二

張載著正蒙

宋史

傳曰張載屏居南山下終日危坐一室左右簡編俯而
讀仰而思有得則識之或中夜起坐取燭以書而著正

蒙

邵雍著皇極經世

又曰雍玩心高明以觀天地之
運化陰陽之消長遠而至於古

今世變微而走飛草木之性情深造曲暢蘊衍密
茂著書十餘萬言曰皇極經世內外篇漁樵問答

朱

熹著通鑑綱目

文獻通考陳氏曰始司馬光通鑑有日
錄舉其要後胡安國又脩為舉要補遺

晦翁因別為
義例著此書

胡安國著春秋傳

見春秋二

真德秀著讀

書記

續文獻通考讀書記真德秀既歸浦城撰語門人曰此人君為治之門如有用我者執此而往可也

又大學衍義四十二卷因大學條目而益以經史首之以帝王為治之本是之謂綱首之以明道衍辨人才審治亂窮民情次之以崇敬畏戒逸欲又次之以謹言動正威儀又次之以重妃匹嚴內治定國本教戚屬是之謂目每條之中首之以聖賢之典訓次之以古今之事迹諸儒之釋經論史有發明者錄之而公之說亦附見焉

蘇洵著太常因革禮

文獻通考陳氏曰太常因革禮二百卷姚闢蘇洵撰嘉祐

中歐陽脩言禮書文多放軼請禮官編脩六年以命闢洵至治二年乃成詔賜以今名

樂史著

太平寰宇記

又鼂氏曰太平寰宇記二百卷樂史著太平興國中盡平諸國天下一統史悉取自

古山經地志都正記

楊時著三經義辨

中興藝文志曰三經義辨

楊時撰又辨學王居正撰居正為舉子時不習王氏新經字說流落十餘年時出義辨示之曰吾舉其端子成吾志居正感勵首尾十載為三經辨學自是天下不復言王氏學

張栻著經世紀年

文獻通考陳氏曰經世紀年侍講張栻撰用皇極經世譜編有所發明則著之

陳桎著通鑑

續編續文獻通考曰桎自束髮讀書思弘先人之業乃著筆記二百卷又上自盤古建於高辛會於有宋

比事核義尊正統以定大分其紀事師司馬光補遺其書法師朱文公綱目名曰通鑑續編

馬端

臨著文獻通考

馬端臨字貴與廷鸞之子隱居教授所著大學集傳多識錄文獻通考等書

陳澔著禮記集說

澔自序曰先君子師事雙峰先生十有四年以是經先領鄉薦為開

慶名進士所得於師門講習為多中遭煨燼隻字不遺不肖孤僭不自量會萃衍繹而附以臆見之言名曰禮

記集

楊維禎著歷代史鉞

鐵笛道人自傳曰其文有驚世者有三史統論五千

言太平綱目二十策歷代史鉞二百卷詩有瓊臺曲洞庭雜吟五十卷藏於鐵崖山

薛瑄著讀

書錄

吾學編傳曰薛瑄手錄性理大全晨夜翫讀有得輒秉燭疾書或通夕不寐晚年造詣高明踐履篤

實著讀書錄

曹端著存疑錄

又曰曹端字正夫一字月川所著有四書詳說太極圖通

書西銘釋文孝經注解性理文集儒家宗統譜及存疑錄

解縉著永樂大典

明紀永樂

五年永樂大典成先是命翰林臣解縉等采諸書所載事物類聚而統之以韻書成賜名文獻大成既而上覽

其書以為未備復命重脩至是成賜名永樂大典

謝鐸著續西山讀書記

吾

編傳曰謝鐸字鳴治浙江太平人成化元年授翰林編脩校勘通鑑綱目所著有桃溪集續西山讀書記伊洛

淵源續錄元史本末諸書

邱濬著大學衍義補

又曰邱濬字仲深瓊山人成化十六

年進士進禮部侍郎以通鑑綱目義重正統秦隋漢唐之交子奪太速稍次其世變升降治亂與國統偏全作世史正綱為大學衍義補以明當世利害書成表上泰陵大喜遷本部尚書

胡居仁著居

業錄

又曰胡居仁字叔心一字敬齋居業錄者先生道明德立無可告語有感於外而無可施於行故筆

之於冊取易脩詞之義其間論聖賢德業經傳旨趣學問工夫政教基本性命淵微不一而足

羅欽

順著困知記

王氏類苑云羅欽順字整菴正德戊辰忤劉瑾落職為民康午起復累官至吏部尚

書所著困知記

王守仁著傳習錄

續文獻通考云王守仁字伯安所著有時習傳習錄

諸書

薛應旂著憲章錄

明憲章錄薛應旂方山著

高啓著鴻猷錄

陳邦瞻著宋元紀事本末

明詩紀事云陳邦瞻字德遠高安人於經史之學殊

有原本撰宋元紀事本末為史家所稱

陳真晟著程朱正學纂要

王氏類苑

云陳真晟字德晦天順二年用伊川故事詣關上程朱纂要書令禮部看詳竟寢

唐順之著

八編

續文獻通考云唐順之字荆川所著有文編左編右編而世稱荆川八編

王世貞著

四部

王世貞字元美一字弇州所著有弇州山人四部彙

著書數十萬言

趙復揭紫

陽文集序曰著書數十萬言沈浸莊騷出入遷固

著述凡百餘種

明詩紀事云楊慎字

用脩著述甚富文集之外凡百餘種

著述五

增唐李翱荅皇甫湜書曰凡古昔聖賢得位於時道行天下皆不著書以其事業存於制度足以自見故也其著書者蓋道德充積阨摧於時身卑處下澤不能潤物恥灰泯而燼滅又無聖人爲之發明故假空言是非一代以傳無窮而自光耀於後或往往有著書者

御定淵鑑類函卷一百九十五

欽定四庫全書

御定淵鑑類函卷一百九十六

文學部五

文章

敏捷

歎賞附

文章一

原孔子曰煥乎其有文章子貢曰夫子之文章可得而聞也 增易賁卦彖曰觀乎天文以察時變觀乎人文以化成天下 左傳仲尼曰志有之言以足志文以足言不言誰知其志言之無文行之不遠 原初學記曰

古者登高能賦山川能說師旅能誓喪紀能誅作器能
銘則可以為大夫矣三代之後篇什稍多又訓誥宣於
邦國移檄陳於師旅箋奏以申情理箴誡用弼違邪贊
頌美於形容碑銘彰於勲德謚冊褒其言行哀弔悼其
淪亡章表通於下情箋疏陳於宗敬議論平其理駁難
考其差此其略也 增白虎通曰質法天文法地故天
為質地受而化之奉而承之故曰文 梁書文學傳曰
夫文者妙發性靈獨拔懷抱 北齊書文苑傳序曰達

幽顯之情明天人之際其在文乎 隋書經籍志序曰

諸子為經籍之鼓吹文章為政化之黼黻 元史儒學

傳曰六經者道之所在文則所以載夫道者也 吾學

編傳曰詹同太祖嘗諭之曰古人文章明道德通世務

如典謨之言皆明白坦易無深怪險僻之語孔明出師

表亦何嘗雕刻為文而誠意溢出至今讀之感動今世

辭雖艱深意實淺近即使過相如揚雄何裨實用 法

言曰或曰辭達而已矣聖人以文其隲也有五曰玄曰

妙曰包曰要曰文幽深謂之玄理微謂之妙數博謂之
包辭約謂之要章成謂之文聖人之文成此五者故曰
不得已 金樓子曰王仲任云夫說一經者為儒生也
博古今為通人也上書奏事者為文人也能精思著文
連篇章為鴻儒也 中說曰房玄齡問文子曰古之文
也約以達今之文也繁以塞 通書文辭章曰文所以
載道也輪轅飾而人弗庸徒飾也況虛車乎 程子曰
聖賢之言不得已也如彼耒耜陶冶之器一不制則生

人之道有不足矣然其包舉天下之理亦甚約也後之人始執卷則以文章為先生平所為動多於聖人然有之無所補無之靡所闕乃無用之贅言也 又曰道者

文之根本文者道之枝葉 典論曰文章經國之大業

不朽之盛事 陸景典誥曰所謂文者非徒執卷於儒

生之門攄筆於翰墨之采乃貴其造化禮樂之淵之盛

也 顏氏家訓曰文章當以理致為心腎氣調為筋骨

事義為皮膚華麗為冠冕 又曰文章之體標舉興會

發引性靈 文心雕龍曰故論說辭命則易統其首詔
策章奏則書發其源賦頌歌贊則詩立其本銘誄箴祝
則禮總其端紀傳銘檄則春秋為之根並窮高以樹表
極遠以啟疆所以百家騰躍終入囊內者也 又曰故
善為文者富於萬篇貧於一字一字非少相避為難也
張說洛州張司馬集序夫言者志之所之文者物之
相雜然則心不可蘊故潤色以形容辭不可陋故錯綜
以盡變 顏真卿孫文公集序古之為文者所以導達

心志發揮性靈本乎詠歌中乎雅頌

韓休蘇頲文集

序所以立言會友感物造端藻暢襟靈導揚隱伏洞彼

金石流於管弦

韓愈曰處若忘行若遺儼乎其若思

茫乎其若迷當其取於心而注於手也惟陳言之務去

戛戛乎其難哉

李德裕曰從兄翰嘗言文章如千兵

萬馬風恬雨霽寂若無聲

又曰文章如日月終古常

見而光景如新

李華崔孝公文集序曰文者貫道之

器也

杜牧曰凡為文以意為主以氣為輔以詞采章

句為之兵衛 張方平曰文章之變與政通士惟道義

積於中英華發於外然則以文取士所以叩諸外而質

其中之所蘊也 元好問耶律公墓志曰夫文章天地

之元氣無終變之理 馬祖常臥雪齋文集序曰人之

有文猶世之有樂也 虞集書元元贅橐後曰人之於

文也猶日月之有光輝山川之出雲雨草木之有華實

也時至氣應載遇於事物之動而發見焉 宋濂曰為

文必在於養氣氣與天地同苟能充之則可配序三靈

管攝萬類 又曰文者乾坤之精粹也陰陽之靈和也
四時之衡石也百物之管轄也 蘇伯衡曰聖賢道德
之光積於中而發於外故其言不文而文

文章二

增文心雕龍原道篇曰至夫子繼聖獨秀前哲鎔鈞六
經必金聲而玉振雕琢性情組織辭令木鐸啟而千里
應席珍流而萬世響寫天地之輝光曉生民之耳目矣
朱熹曰有治世之文有衰世之文有亂世之文六經

治世之文也如國語委靡繁絮真衰世之文耳至於亂

世之文則戰國是也 崔祐甫穆氏四子講議記曰言

偃之文鬱而不見卜商有詩序 文心雕龍時序篇曰

鄒子以談天飛譽騶奭以雕龍馳響屈平聯藻於日月

宋玉交彩於風雲 魏書文苑傳序曰漢之西京馬揚

為首東都之下班張為雄 文心雕龍體性篇曰賈生

俊發故文潔而體清長卿傲誕故理侈而辭溢子雲沈

寂故志隱而味深子政簡易故趣昭而事博孟堅雅懿

故裁密而思靡平子淹通故慮周而藻密 典論曰今

之文人有魯國孔融文舉廣陵陳琳孔璋山陽王粲仲
宣北海徐幹偉長陳留阮瑀元瑜汝南應瑒德璉東平
劉楨公幹此七子者於學無所遺於辭無所假咸以自
騁騏驥於千里仰齊足而並馳 文心雕龍才畧篇曰

琳瑀以符檄擅聲徐幹以賦論標美劉楨性高而會采
應瑒學優以得文 宋書傳論曰自漢至魏四百餘年
文體三變子建仲宣以氣質為體並標能擅美獨映當

時 晉書文苑傳序曰金行纂極文雅斯盛張載擅銘

山之美陸機挺焚硯之奇潘夏連輝頡頏名輩至於古

甫太沖江右之才傑曹毗庾闡中興之時秀信乃金相

玉潤埜會川沖 又論曰孝若掞蔚春華時標麗藻安

仁思緒雲騫詞鋒景煥賈論政範源王化之幽蹟潘著

哀詞貫天人之情性機文喻海岳藻如江 文心雕龍

時序篇曰茂先搖筆而散珠太沖動墨而橫錦岳湛曜

聯璧之華機雲標二俊之采應傳三張之徒孫摯成公

之屬並結藻清英流韻綺靡 抱朴子曰歐陽生曰張
茂先潘正叔潘安仁文章遠過二陸 晉書傳曰陸機
字士衡辭藻宏麗張華嘗謂人曰人之為文嘗恨才少
而子更患其多 又曰陸雲字士龍六歲能屬文與兄
機齊名雖文章不逮機而持論過之號曰二陸 又曰
成公綏字子安張華每見其文歎服以為絕倫 又曰
左思字太沖賦三都張華見而歎曰班張之流也於是
豪貴之家競相傳寫洛陽為之紙貴 宋書謝靈運傳論

曰爰逮宋氏顏謝騰聲靈運之興會標舉延年之體裁

明密並方軌前秀垂範後昆 又傳曰顏延之字延年

好讀書無所不覽文章之美冠絕當時 又曰謝靈運

文章之美江左莫逮 又曰謝惠連為祭古冢文甚美

又為雪賦亦以富麗見奇文章並傳於世 又曰謝莊

字希逸時南平王鑠獻赤鸚鵡普詔羣臣為賦袁淑文

冠當時作賦畢齋以示莊莊賦亦竟淑見而歎曰江東

無我卿當獨秀我若無卿亦一時之傑也遂隱其賦

又曰劉孝綽字孝綽七歲能屬文舅王融深賞之號曰神童每曰天下文章若無我當歸阿士阿士孝綽小字也南齊書傳曰謝朓字元暉少好學有美名文章流麗又曰陸厥字韓卿永明末盛為文章吳興沈約陳郡謝朓琅邪王融以氣類相推較汝南周顒善識聲韻約等文皆用宮商世號為永明體顏氏家訓文章篇曰齊世有辛毗者清幹之士嘲劉逖云君輩詞藻譬若榮華須臾之玩豈比吾徒千丈松常有風霜不可凋瘁

劉曰既有寒木又發春華何如辛笑曰可矣 梁書文學傳序曰高祖旁求儒雅文章之盛煥乎俱集其在位者則沈約江淹任昉並以文采妙絕當時若彭城到溉吳興丘遲東海王僧孺吳郡張率等皆後來之選也

隋書文學傳序曰自大同之後徐陵庾信分路揚鑣而其意淺而繁其文匿而彩 梁書傳曰吳均字叔庠文體清拔有古氣好事者效之謂為吳均體 又曰紀少瑜字幼瑒嘗夢陸倕以一束青鏤管筆授之曰我以此

史傳曰徐陵字孝穆為一代文宗其文頗變舊體有新
意每一文出好事者已傳寫成誦遂轉及周齊家有其
本 後周書傳曰庾信父肩吾為梁太子中庶子東海
徐摛為左衛率摛子陵及信並為鈔撰學士文並絕豔
故世號為徐庾體焉 陳書傳曰姚察字伯審於墳籍
無所不窺每有製述多用新事人所罕見咸重其奧博
又曰沈不害字孝和博綜墳典而家無卷軸每製文
操筆立就曾無尋檢僕射汝南周弘正常稱之曰沈生

可謂意聖人乎 又曰張正見字見頤幼好學有清才
梁簡文在東宮正見年十三獻頌簡文深贊賞之 又
曰虞寄字次安大同中嘗驟雨殿前有雜色寶珠梁武
帝觀之甚有喜色寄因上瑞雨頌帝謂寄兄荔曰此頌
典裁清拔卿家之士龍也 周書傳論曰洎乎有魏有
許謙崔宏崔浩高允高閔游雅等詞義典正有永嘉之
遺風焉其後袁翻才稱澹雅常景思標沉鬱彬彬焉蓋
一時之俊秀也 魏書傳曰溫子昇字鵬舉博覽百家

文章清婉梁武帝使張臯寫其文筆傳於江外稱之曰
曹植陸機復生於北土恨我詞人數窮百六陽夏太守
傅標使吐谷渾見國主牀頭書數卷乃子昇文也濟陰
王暉業云江左文人宋有顏延之謝靈運梁有沈約任
昉我子昇足以陵顏轢謝含任吐沈 又曰常景字永
昌高允卒其兄肇私託景及邢巒高聰徐論各作碑銘
並以進御世宗悉付崔光簡之以景為最乃奏曰常景
名位乃處諸人下文出諸人上 又曰崔光字長仁高

祖常曰浩浩如黃河東注固今日之文宗 北齊書文

苑傳序曰有齊延廣俊髦鄴京之下煙霏霧集河間邢
子才鉅鹿魏伯起范陽盧元明鉅鹿魏季景清河崔長
儒河間邢子明范陽祖孝徵樂安孫彥舉中山杜輔畜
北平陽子烈並其選也後有范陽祖弘勲亦參文士之
選 又傳曰荀士遜好學有思理為文清典見賞知音

又曰祖弘勲高祖曾徵至并州作晉祠記好事者愛
其文 後周書傳論曰周氏創業聘奇士如弗及是以

蘇亮蘓綽盧柔唐瑾元瑋李昶之流咸奮鱗翼自致青紫又傳曰李昶幼年已解屬文有聲洛下又曰薛

寘時盧柔學業優深文藻華瞻而寘與之方駕故世號曰盧薛焉隋書文學傳序曰時之文士見稱當世則范陽盧思道安平李德林河東薛道衡趙郡李元操鉅鹿魏澹會稽虞世基河東柳詵高陽許善心或鷹揚河朔或獨步漢南俱騁龍光並驅雲路又傳曰李德林字公輔楊遵彥命製讓尚書令表援筆立成不加治點

因大加賞異以示吏部郎中陸印印云已大見其文筆
浩浩如長河東注比來所見後生制作乃涓澮之流耳
又曰盧思道字子行周武帝平齊授儀同三司追赴
長安與陽休之等數人作聽蟬鳴篇思道所為詞意清
切庾信徧覽諸同作者而深歎美之 又曰李諤字士
恢以屬文之家體尚輕薄流宕忘反乃上書曰遺理存
義尋虛逐微競一韻之奇爭一字之巧連篇累牘不出
月露之形積案盈箱惟是風雲之狀 又曰柳詒字顧

言轉晉王府諮議叅軍嘗朝京師還作歸藩賦命詈為
序詞甚典麗初王屬文為庾信體及見詈已後文體遂
變又曰許善心字務本十五解屬文牋上父友徐陵
大奇之謂人曰才調極高此神童也又曰杜正倫字
慎徽兄弟數人俱未弱冠以文章才辨籍甚三河之間
開皇末舉秀才楊素負才傲物正倫抗辭酬對無所屈
素甚不悅久之會林邑獻白鸚鵡召正倫使作賦援筆
立成異之因令擬雜文十餘條又皆立就而辭理華贍

乃歎曰此真秀才吾不及也 唐書文藝傳序曰唐有

天下三百年文章無慮三變高祖太宗初沿江左餘風
絺章繪句揣合低昂故王楊為之伯玄宗好經術羣臣
稍厭雕琢索理致崇雅黜浮氣益雄渾則燕許擅其宗
大厯貞元間美才輩出孺咀道真涵泳聖涯於是韓愈
倡之柳宗元李翱皇甫湜等和之排逐百家法度森嚴
唐之文完然為一王法 又傳曰虞世南字伯施文章
婉縟慕徐陵陵自謂類已由是知名 又曰富嘉謨長

安中累轉晉陽尉與吳少微友善同官先是文士以徐
庾為宗嘉謨與少微本經術雅厚雄邁人爭慕之號吳
富體 又曰王勃字子安與楊炯盧照鄰駱賓王皆以
文章齊名天下稱王楊盧駱四傑 又曰楊炯字盈川
少與王勃盧照鄰皆以文辭知名海內稱為王楊盧駱
炯聞之謂人曰吾媿在盧前恥居王後他日崔融與張
說評勃等曰勃文章宏放非常人所及炯照鄰可以企
之說曰不然盈川如懸河酌之不竭優於盧而亦不減

於王恥居王後信然媿在盧前謙也 又曰蘇頲字廷

碩自景龍後與張說以文章顯稱望畧等故時號燕許
大手筆 又曰張說字道濟為文屬思精壯長於碑誌
世所不逮既謫岳州而詩益悽惋人謂得江山助云

又曰李嶠字巨山兒時夢人遺雙管自是有文辭前與
王勃楊盈川接中與崔融蘇味道齊名諸人沒而為文
章宿老學者取法焉 又曰李白字太白天寶初至長
安往見賀知章知章見其文歎曰子謫仙人也 又曰

杜甫字子美渾涵汪洋兼古今而有之他人不足甫乃

有餘殘膏賸馥霑溉後人多矣 又曰常衮文章瞻蔚

長於應用譽重一時 又曰蕭穎士字茂挺閭士和著

蘭陵夫子集論以為聞蕭氏風者五尺童子羞稱曹陸

又曰韓愈字退之深探本元卓然樹立成一家言其

原道原性師說數十篇皆奧衍闕深與孟軻揚雄相表

裏而佐佑六經云 又曰柳宗元字子厚韓愈評其文

曰雄深雅健似司馬子長崔蔡不足多也 又曰白居

易字樂天工文章未冠顧況恃才少所推可見其文自

失曰吾謂斯文遂絕今復得子矣 又曰溫庭筠少敏

悟工為詞章與李商隱皆有名號溫李 五代史傳曰

王仁裕嘗夢剖其腸胃以西江水滌之顧見江中沙石

皆為篆籀之文由是文思益進 宋史文苑傳序曰國

初楊億劉筠猶襲唐人聲律之體柳開穆脩志欲變古

而力弗逮廬陵歐陽修出以古文倡臨川王安石眉山

蘇軾南豐曾鞏起而和之宋文日趨於古矣南渡文氣

不及東都 又傳曰楊億字大年七歲能屬文年十一

太宗召試詩賦五篇下筆立成深加賞異文筆雄健善
細字起草一幅數千言不加點竄學者翕然宗之 又

曰劉筠字子儀筠景德以來居文翰之職其文辭善偶
對初為楊億所拔識後遂與齊名時號楊劉 又曰柳

開字仲塗五代文格淺弱慕韓愈柳宗元為文范杲好
古學大重開文世稱為柳范 又曰徐鉉字鼎臣十歲
能屬文與韓熙載齊名江東謂之韓徐弟鍇字楚金李

穆使江南見其兄弟文章歎曰二陸不能及也 又曰

穆修字伯長自五代文敝柳開始為古文其後楊億劉筠尚聲偶之辭學者靡然從之修於是時獨以古文稱雖窮死士大夫稱能文者必曰穆參軍 又曰歐陽修

字永叔游隨得唐韓愈遺稿於廢書簾中讀而心慕之必欲並轡絕馳而與之並為文天才自然豐約中度超然獨騫衆莫能及故天下翕然師尊之 又曰蘇洵字明允舉進士茂才異等皆不中悉焚所為文閉戶益讀

書遂通六經百家之說下筆頃刻數千言至和嘉祐間
與其子軾轍來京師翰林學士歐陽修上其所著書既
出士大夫爭傳之於時學者羣效蘇氏為文章 又曰
蘇軾字子瞻嘗自謂作文如行雲流水初無定質但當
行乎其所當行止乎其所不得止雖嬉笑怒罵之辭
皆可書而誦之其體渾泊光芒雄視百代有文章以來
蓋亦鮮矣 又曰蘇轍字子由為文渾涵澹泊似其為
人不願人知而秀傑之氣自不可掩 又曰曾鞏字子

固為文章上下馳騁原本六經斟酌於司馬遷韓愈一時工文辭者鮮能過也 又曰王安石字介甫為文初若不經意既成無不服其精敏 金史傳曰元好問為文有繩尺備衆體蔚為一代宗工四方碑版銘志盡趨其門 又曰趙秉文為文長於辨析極所欲言而止朝使至自河湟者多言夏人問秉文文與楊雲翼代掌文柄時號楊趙 又曰楊伯仁久在翰林文詞典麗上曰自韓昉張鈞後則有翟永固近日則有張景仁鄭子聃

今則伯仁而已其次未見能文者 又曰王磐文辭宏

放浩無涯涘 元史傳曰馬祖常工於文章弘瞻而精

核務去陳言專以先秦兩漢為法而自成一家之作

又曰蘇天爵字伯修為文長於序事平易溫厚獨任一

代文獻之寄 又曰柳貫為文沉鬱春容涵肆演迤人

多傳頌之與黃潛虞集揭傒斯齊名號為儒林四傑

又曰歐陽元八歲即知屬文十歲有黃冠師注目視之

曰是兒神氣微遠目光射人異日當以文章冠世至和

元年日直內廷多所撰述海內名山大川釋老之宮王
公貴人墓隧之碑得其文筆以為榮片言隻字流傳人
間咸知寶重 又曰姚燧字端夫為文閎肆該洽豪而
不宕剛而不厲春容盛大有西漢風宋末弊習為之一
變當時孝子順孫欲發揮先德者不得燧文以為媿恥
廖道南曰洪武建文間則有劉伯溫之閎大宋景濂
之浩博王子充之醇正方孝孺之豪巖永樂宣德則有
解大紳之雄放胡光大之爾雅楊文貞之精密正統間

則有李文忠之樸茂劉文安之該核然皆麗藻豐腴未

有若丘文莊之明體達用裒然為一代文宗者也自是

以後若程篁墩李西涯諸公蓋聞文莊之風而興起焉

者 明紀曰宋濂字景濂浦江人博極羣書著作甚富

四裔咸購其文集 吾學編曰王禕進平江西頌太祖

喜曰吾固知浙東有二儒卿與宋濂耳學問之博卿不

如濂才思之雄濂不如卿 又曰方孝孺字希直台寧

海人為文雄邁深醇鄉人呼為小韓子又曰文章大類

蘇氏而正論過之 明詩紀事曰解縉字大紳少夢五

色筆筆有花如菡萏及長以文名落筆千言無所疑滯

吾學編曰錢習禮字習禮吉水人為文如源泉渾渾

沛然千里又如園林得春羣芳爛然狀寫之工極其天

趣他人不足已乃有餘 明詩紀事曰楊士奇太和人

其詩文號臺閣體 吾學編曰胡儼字若思學問該博

文章簡直不事浮藻 明紀曰丘濬穎悟絕人無書不

讀著述之富當代罕出其右劉健嘗戲謂曰仲深有一

屋散錢只欠索子應之曰劉希賢有一屋索子只欠散錢劉默然甚媿 吾學編曰李東陽字賓之茶陵人慧

悟夙成文章流麗代言敷奏明暢爾雅裒然一代宗工也有懷麓堂集行世 又曰倪岳字舜咨錢唐人徙上

元為文敏捷若不經意又長於奏議一寫千言春容暢達無不會文切理 明詩紀事曰楊慎字用脩新都人

七歲擬古戰場文時人傳誦以為淵雲再出 又李夢

陽字獻吉慶陽人詩文以復古自命與信陽何仲默相

和倡時謂唐有李杜明有李何 吾學編曰王鏊字濟
之學瞻為文春容爾雅議論條暢 明詩紀事曰李維
楨海內謁文者如市洪裁綺製搖筆揮灑 又王世貞
字元美太倉人與濟南李于鱗脩西京以上之詩文以
標幟一世

文章三 敏捷 歎賞附

原主氣

本形

魏文帝典論曰文以氣為主氣之清濁有體不可以力強而致 摯虞文章流

別論曰今賦以事形為本以義正為助也

梁匹

華文

魏文帝典論曰王粲長於詞賦徐幹

時有逸氣然聚匹也
下張華詳賦

潤色

詆訶

論語曰為命裨諶草創之世叔討論之行

人子羽脩飾之東里子產潤色之

曹植與楊修書曰劉季緒才不能逮於作者而詆訶文章倚撫利病

辭條

言葉

上見陸機文賦則能推類興文文由外而興未必實才學

王充論衡曰學問習熟

與文相副也且淺意於華葉之言無根莖之深不見大體也

笙簧

鼓吹

抱朴子曰五典

為笙簧案書鈔作百家為笙簧詳經典

劉義慶世說曰孫興公三都二京五經之鼓吹

雕龍

畫虎

史記曰雕龍奭談天衍邠衍之文飾之若龍文故號雕龍曹植與楊修書曰孔璋之才不嫻詞賦

而多自謂能與司馬長卿同風譬畫虎不成反為狗也

體弱

辭壯

魏文帝與吳質書曰

仲宣獨自善於詞賦惜其體弱不足起其文至於所善古人無以遠過傳元叙連珠曰班固喻美詞壯文章

弘麗最得其體也

雕玉

鏤冰

揚子法言曰或曰良玉不雕美言不文何謂也曰玉不雕

璫璫不作器言不文典謨不作經桓寬鹽鐵論曰內無其質而外學其文若畫脂鏤冰費日損功

丹

青

綃縠

揚子法言曰或問屈原智乎曰如玉如瑩爰變丹青李軌注曰夫知者達天命如玉如瑩

磨而不磷今屈原放逐感激爰變雖有文采丹青之論耳李充翰林論曰潘安仁之為文猶翔禽之羽毛衣

被之綃縠

彰漢

述殷

揚雄劇秦美新論曰昔司馬相如作封禪一篇以彰漢氏之休程

曉與傳元書曰文公詠周孔父述殷聲揚千載業傳後嗣

舜敷

文治

虞舜誕敷文德舞干

羽于兩階七旬而有苗格文王以文治

經緯

弛張

經天緯地曰文張而不弛文武不

能也弛而不張文武不為也以弓喻也

成化

潤業

觀乎人文以化成天下潤色鴻業

吐鳳

吞鳥

上見著述三五色鳥後有文章

羅含夢

宿構

立成

王粲舉筆成文時人以爲宿構

漢枚舉爲文疾受詔立成相如爲文遲故所作少也

閣筆

閣筆

焚研

魏王粲才高鍾繇王朗等閣筆不敢措手

陸雲嘗與兄機書曰君苗見兄之文欲焚筆研

有章

曲中

出言有章其言曲而中

煥乎

斐然

煥乎其有文章小子狂

簡斐然成章

郁郁

彬彬

周監於二代郁郁乎文哉吾從周文勝質則史文質彬彬然

後君子

懿德

行禮

君子以懿文德文辭以行禮

文囿

辭林

增何劉

盧薛

何遜劉孝綽見上盧柔薛寘見上

宮體

官樣

徐摛見上

青箱雜記王安石國曰文章格調須是官樣

三多

四傑

後山詩話曰永叔謂爲文有三

多看多做多商量多也

王

蘇李

燕許

又曰蘇味

勃楊炯盧照鄰駱賓王見上

文辭與里人李嶠俱以文翰顯

溫李

楊劉

溫庭筠

時號蘇李

張說蘇頲見上

見上 楊億

膏梁

穀帛

唐書儒學傳序曰武為救世砥劑文其膏梁歟司

劉筠見上

馬溫公行狀曰公之文如金

述才

載道

柳宗元楊

如玉穀帛藥石必有過於用

曰述於才曰文通書

天與

神護

詳見下文章五

曰文者所以載道也

禹錫常言其詩在

靈物

奇氣

李德裕文章論曰文之為物自然靈氣恍

處有神物護持

然而來不思而至李朴曰文章者

報國

補時

柳

天地之奇氣造物者常嗇於與人

元獻平淮西雅曰思報國恩獨有文章權德

輿崔祐甫文集序曰是惟無作作則有補於時

鋪陳

藻緡

陸贄翰林集序曰嘗讀賈誼書觀其經制人文鋪陳帝業術亦工矣鄭亞會昌一品集序曰

鋪舒名實藻緡文采

宰匠

宗工

韓休蘇頲集序曰自我心極為之宰匠金史傳曰元好

問七歲能詩為箕山琴臺等篇趙秉文見之以為近代無此作於是名震京師蔚為一代宗工四方碑版銘志

盡走其門

辭源

筆路

杜甫詩曰辭源倒流三峽水筆陣獨埽千人軍朱熹曰常見傅安

道謂為文法有所謂筆力有所謂筆路

無價

有神

劉禹錫詩曰人間無價是文章杜

甫詩曰文章有神交有道

雲霞

風水

李白上安州長史書曰都督馬公謂李勉曰他人之

文猶山無雲霞春無草樹李白之文清雄奔放名章俊語絡繹間出蘇洵字說曰風行水上渙是亦天下之

至文也

三變

一更

唐文三變見上顧況陶氏集序曰文章大抵十年一更有體病而

才贍有言紆而事
直有文勝而理乖

補散

琳瑯

白居易文曰郁郁哉
溢目之黼黻洋洋乎

盈耳之韶

韓愈詩曰平生十萬篇金薤垂琳瑯是也

華國

潤身

蔡肇上宇文學士啟曰韜以經傳之學發

宋史傳曰歐陽修學者求

見與言未嘗及文章惟談吏事謂
文章止於潤身政事可以澤物

陸海

潘江

上俱詳

韓潮

蘇海

類書韓文如海

原此四科

若五色

文魏

帝典論曰夫文本同而末異蓋奏議宜雅書論宜理銘
誄尚實詩賦欲麗此四科不同故能之者偏也下見

後陸機

握蛇珠

騁驥足

曹植與楊修書曰當此之

家家自謂抱荆山之玉

魏文帝典論曰斯七子者於
學無所遺於辭無所假咸自騁騁驥于千里仰齊足而

並馳 徇木鐸

避筆端

每歲孟春道人以木鐸徇于路振文教也又天將以夫子為木

鐸 君子避文士之筆端

增錦繡堆

花萼集

潛確類書曰謝廷誥以辭賦著名號

錦繡堆 唐書傳曰李乂工屬文中書令薛元超曰是子且有海內名兄尚一尚貞兄弟同為一集號李氏花

萼集乂所著甚多

干氣象

動精靈

杜甫詩曰彩筆昔曾干氣象

張以寧賀尚書

王本中詩曰青箱傳遠大彩筆動精靈

原游魚出淵

飛兔越海

上見陸機

文賦 陳琳答東阿王牋曰清詞妙句焱絕煥炳譬猶飛兔流星超山越海龍驤所不追沉驚馬可得齊足哉

長卿溫麗

公幹妙絕

西京雜記曰枚臯文章敏疾長卿制作淹遲皆盡一時之

美遇而長卿首尾溫麗枚臯時有累句故知疾行無善迹矣 魏文帝與吳質書曰公幹有逸氣但未適耳其

五言詩之善者妙絕時人

王賦阮章

孔書陸議

魏文帝典論曰王粲長於詞賦

陳琳阮瑀之章表書記今之俊也

李充翰林論曰或

問曰如何斯可謂之文答曰孔文舉之書陸士衡之議

斯可謂成文矣

擲地振玉

挾天凌雲

孫興公詳賦司馬相如

三代同風

五藏出地

班固東都賦序曰大漢之文章炳焉三代同風見下賦

二

君子博學

壯夫不為

於文揚子童子雕蟲篆刻而壯夫不為

增

字挾風霜

氣吐虹霓

世說曰淮南著鴻烈解二十篇自云句中皆挾風霜之氣江

淹謂郭景曰子之咳唾成珠玉吐氣作虹霓

馳騁古今

牢籠天地

司馬遷傳

贊曰貫串經傳馳騁古今上下數千載斯以

五經鼓

勤矣史通曰淮南子牢籠天地博極古今

吹 一片宮商

注見上本條鼓吹有洞庭樂賦華岫曰

北夢瑣言曰沈光此賦乃一片宮商

爛若披錦

炳如繪素

世說孫興公曰潘文爛若披錦無處不善陸文若披沙揀

金往往見寶白居易文曰掩黃卷之麗藻吐白鳳之奇姿

炳如繪素鏗若鐘鼓

清思濃采

秀句奇章

文心雕龍時序篇曰微言精理函滿元席清思濃采時麗文園

鍾嶸詩評曰謝朓

奇章秀句往往驚邁足使叔源失步明遠變色

經典枝條

詞林根柢

劉勰文心

雕龍自序曰予齒在踰立嘗夜夢執甘漆之禮器從仲尼而南行寤而喜曰大哉聖人之難見也敷演聖旨莫

若著經而馬鄭弘之已精惟文章之用實經典枝條由是摘筆和墨乃始論文其為文用四十有九而已杜

甫李邕詩曰詞林有根柢

彈毫珠生

揮翰霧散

趙宗欽與高允詩曰爾應其求

翰飛東觀口吐瓊音手揮麈翰彈毫珠生落紙錦粲
李白集從弟令聞嘗目白曰兄心肝五臟皆錦繡耶不

然何開口成文

揚葩振藻

含英咀華

周書傳論曰
孝武之世揚

葩振藻者如林而二馬王楊為之冠東京之朝咀徵
含商者成市而班傳張蔡為之雄
注見上著述三

咀徵含商

回宮轉角

上見揚葩注
白居易閒澹簡質斷出雕篆而

拙迹每見回宮轉角之
音隨時間作類乏韶濩

繡虎雕龍

騰蛟起鳳

王筠
論家

集曰史傳安平崔氏汝南應氏並累葉有文才所以蔚

宗云崔氏雕龍然不過父子兩三世耳非有七葉之中

名德重光爵位相繼人人有集如吾門者也
潛確類

書曰曹子建七步成章世目為繡虎目王仲宣為泥下

潛蛙

王勃滕王閣序曰

騰蛟起鳳孟學士之詞宗

衙官屈宋

僕隸風騷

唐書

傳曰杜審言字必簡常語人曰吾文章當得屈宋作衙
官吾書當得王羲之北面少與李嶠崔融蘇味道為文
章四友號崔李蘇杜杜牧曰李賀元和中韓吏部頗
道其歌詩賀能探尋前事今古未嘗經道者賀未死僕
隸風騷

良金美玉

太羹玄酒

張說與徐堅論近世
文章曰李嶠崔融薛

稷宋之問之文如良金美玉無施不可又曰
韓休之文如太羹玄酒有典有則而薄滋味

輕縑

素練

明金絳羽

又曰張九齡如輕縑素練而窘邊幅
劉賓客集曰得董生之文杳如搏

翠屏浮層瀾視聽所遇非塵埃間物亦
猶明金絳羽得于遐裔欲弗寶可乎

周情孔思

堯醴舜莖

李漢韓昌黎文集序曰日光玉潔周情孔思
千態萬狀卒歸於道德仁義炳如也裴延

齡杜樊川集後序曰吾嘗見韓吏部
歌詩累百首變醪養瘠堯醴舜莖

茹古涵今

跟

經瀟史

韓昌黎墓誌銘曰先生之文無圓無方至是歸

解縉廖自公傳曰公幼能文章跟經瀟史

錦心繡口

玉佩瓊琚

柳宗元乞巧文

曰抽黃對白吟弄飛走駢四儷六錦心繡口韓愈祭柳子厚文曰玉佩瓊琚大放厥詞

轆轤三

光

雕鏤萬化

柳宗元答問曰其文則汗漫輝煌呼喻陰陽轆轤三光陶鎔帝皇

李朴曰錦

繡五臟雕鏤萬化明以寓物象之形容幽以露鬼神之奇怪小而詠歌乎蟲魚鳥獸之情大而羽翼乎禮樂刑

政之具

掀雷投電

驅濤湧雲

司空圖柳柳州集後序曰吾嘗見韓吏部歌詩

累百篇其駉駕氣勢掀雷投電撐扶於天地之垠李翱祭韓退之文曰建武以還文卑質喪儷花鬬葉顛倒相向及兄為之思動鬼神撥去其華得其本根開合變駉驅濤湧雲六經之風絕而復新

行雲流

水 銑溪蚪戶

蘇軾見上多求新異以

朝野僉載曰徐彥伯為文

金谷為銑溪玉山為瓊岳以蜀狗為丹犬以竹馬為篠

騁以月兔為陰魄以風牛為犛犢後進效之謂為澀體

風檣陣馬

牛鬼蛇神

杜牧李賀詩序曰煙雲繚聯不足為其態也風檣陣馬不

足為其勇也鯨吐鰲擲牛鬼蛇神不足為其虛荒誕幻也

筆補造化

口吐天文

李賀詩曰殿前作賦聲摩空筆補造化天無功記纂淵海曰唐詩口吐天上文

心爐筆炭

月斧雲斤

劉禹錫董氏文集序曰心源為爐筆端為炭鍛鍊元本雕磨羣形

黃庭堅詩曰月

斧雲斤鑿肺肝

子昂風華

燕公宏茂

梁肅獨孤及集序曰陳子昂以風華草浮

偽張公說以宏茂廣波瀾

退之淳粹

子厚雄健

李朴曰子厚雄健飄肆有懸崖

峭壁之勢不幸而不發於仁義而發於躁誕至退之然後淳粹溫潤駸駸乎為六經之苗裔

景濂

豐饒

伯溫流利

王世貞文評曰宋景濂如酒池肉林直是豐饒而寡芍藥之和劉伯溫如

崇臺少年入說社便辟流利小見口才

伯安愷爽

賓之敷腴

又曰王伯安如

食哀家梨吻咽愷爽不可言李賓之如開講法師上臺敷腴可聽而實寡精義

綺旨星稠

繁文緝合

宋書傳論曰降及元康潘陸特秀律異班賈體變曹王緝旨星稠繁文綺合綴平臺之逸

響采南皮之高韻遺

潛思淵停

秀藻雲布

魏書高允答趙

風餘烈事極江左

秉欽詩曰響駸伊何金聲

允著潛思淵停秀藻雲布

綜采繁緝

杼軸清英

晉書

文苑傳序曰綜采繁緝杼軸清英寫廣內之青編緝平臺之麗曲

含暢襟靈

導揚

隱伏

俱注見文章一

筆有餘力

詞無竭源

隋書文學傳序曰太和天保之

間洛陽江左文雅尤盛於時作者江淹沈約任昉溫子昇邢子才魏伯起等並學窮書圃思極人文英華秀發

波瀾浩蕩筆有餘力詞無竭源

逸氣上濟

高情四達

顏真卿孫文公集序曰學

窮百氏不讀非聖之書文統三變特深稽古之道故逸氣上濟高情四達羌索隱乎渾元之始表獨立乎常均

之外陵顏轢謝

含任吐沈

並見上

摧鍾拉賈

駕王

超陳

韓休蘇頌文集序曰繁弦間發縟采相輝歌發而白雲遂孤賦成而黃金有價豈惟摧鍾拉賈駕王

而超陳

鏤心鳥迹之中

織辭魚網之上

又曰若乃綜述性靈敷寫

氣象鏤心鳥迹之中云云

言泉合於九流

文律諧於六變

晉書文苑

傳序曰洎姬歷云季歌頌滋繁荀宋之流準源
自遠總金羈而齊驚揚玉軌而並馳言泉云云

推倒

一世智勇

開拓萬古心宵

宋史傳曰陳亮字同甫嘗曰研精義理之精微辨析

古今之同異原心於抄忽較理於分寸則於諸儒誠有
媿焉若乃堂堂之陣正正之旗風雨雲雷交發而並至
龍蛇虎豹變現而出沒推倒一世之智勇
開拓萬古之心宵自謂差有一日之長

敏捷八叉

手七舉足

北夢瑣言曰溫庭筠工賦每八叉手而八
韻成陳楷宋濂行狀曰嘗奉制詠鷹令

七舉足即成

據案制書

當食草奏

文心雕龍神思篇曰
阮瑀據案而制書

又曰襴衡當食而草奏

對使答書

立馬草制

南史傳曰蔡景
歷陳武帝鎮朱

方素聞其名以書要之景歷對使人答書筆不停輟文
無所改帝得書甚欽賞即日授征北府中記室參軍

宋史傳曰劉敞為文尤瞻敏掌制時將下直會追封王
主九人立馬却坐頃之九制成歐陽修於事有疑折東

來問對其使揮

分陰可就

寸晷便成

權德輿張建

筆答之不停手

每牙旗既拔芝泥將熟嘗於前席親授筆札公亦分陰

可就落簡如飛

宋史傳曰朱台符時太宗試貢士多

擢敏速者台符與同

輦課疏尺晷成一賦

夕草五制

日賦十題

又曰晷

翰林一夕草將相五制褒揚訓誡人得所宜

金史傳

曰高衍少能賦同舍生欲試其才使一日賦十題衍執

筆未暮十

馬上占辭

酒中下筆

唐書傳曰薛收時

賦皆就

馬上占辭

酒中下筆

方討王世充軍事

繁錯收為書檄露布或馬上占辭敏如素構又曰胡

楚賓屬文敏甚必酒中然後下筆高宗命作文嘗以金

銀杯酌

試六論立成

賦十題皆就

宋史傳曰曾鞏

酒賜之

試六論立成

賦十題皆就

年十二試作六

論援筆而成辭甚偉 吾學編傳曰吳伯宗太祖製
十題命賦援筆立就辭語峻潔太祖曰伯宗才子

原歎賞懸日月

比金玉

揚雄答劉歆書曰張伯松不
好雄賦頌之文然亦有以奇

之常為雄道言其父及其先君喜典訓屬雄以此篇目
頗示其成者伯松曰是懸諸日月不刊之書也 論衡

曰永平中神雀集孝明詔上神雀頌百官頌上皆比
瓦石惟班固賈逵傳毅楊終侯諷五頌比於金玉

增鑿天心

出月脅

記纂淵海

曰鑿天地心宵開生人
皇甫湜曰逸歌長句駿發

陷厲若穿天

琅玕腹

錦繡心

韓愈詩曰排雲叫闥
闔披腹呈琅玕下

心出月脅

見敏

似子長

擬眉山

唐書傳曰柳宗元韓愈評其
文雄深雅健似司馬子長

捷注

虞集年應龍墓誌曰其為文沛

然若江河之決時以為眉山

原筆墨淵海

言談

林藪

論衡曰劉歆字子駿漢朝智囊筆墨淵海世說云裴僕射時人謂言談之林藪

文辭

美瞻

才藻豔逸

歐陽建別傳曰建文辭美瞻構理精微魏志云阮籍才藻艷逸而個儻

放蕩行已寡欲以莊周為模則

增妙絕時人

文冠當世

魏文帝與吳質書云

公幹五言詩之善者妙絕時人

王輔學有俊才與茂陵馬季長同郡曹師梁葛元甫南陽張平子南郡胡伯

始安定胡節信等文冠當世

宋豔班香

孫金盧采

四六集謂宋玉班固也

呂溫祭楊郎中文曰孫金盧采百賦千詩

琬琰為心

冰雪在口

南史傳曰劉遵

除中庶子卒皇太子深悼惜之與遵從兄孝儀書曰賢從弟中庶奄至殞逝痛可言乎其孝友淳深立身貞固

內含玉潤外表瀾清文史諠富琬琰為心詞章博瞻言責成采藥房唱和序曰珠玉隨風冰雪在口

鰲弄筆海

鶴翥文場

李白詩曰鰲弄筆海虎攫詞場
盧照鄰附馬都尉喬君集序

曰龍騰學海

鶴翥文場

鰲擲鯨喙

隼擊鷹揚

上見牛鬼蛇神
皇甫湜曰

沈誥議之文則隼
擊鷹揚滅沒空碧

氣劇屈賈

目短曹劉

杜甫詩曰
氣劇屈賈

曹劉牆
壘目短

馳驅屈宋

鞭撻揚馬

李陽
冰語

摘藻如春華

振筆若天文

班固賓戲云器不賈於當時用不效於
一世雖馳辨如清波摘藻如春華無益

於殿最也
振筆若天文

傅元客難云
思若迴雲

英辭振金石

高價越璫

璫杜甫
詩云

筆力動乾坤

芒端轉寒燠

上張承吉詩云
韓愈詩曰芒

端轉寒燠變
化若雷霆

筆力千鈞重

光燄萬丈長

歐陽公詩
曰興來筆

力千鈞重 韓愈詩曰李杜文章在光燄萬丈長

觀賦至於壓藩 讀述為

之閣筆

唐書傳曰楊收善屬文人多造門觀賦詩至壓敗其藩 宋史傳曰龜補之十七歲從父倅錢

塘著七述謁通判蘇軾軾先欲有所賦讀之歎曰吾可以閣筆矣

雕文將錦繡同美

惠氣與芝蘭等馥

李嶠上高長史述和詩云云

文章四

敏捷

歎賞附

增三傑

唐書傳曰時又有富嘉謨吳少微皆有名皆尉晉陽有魏谷者為太原主簿並有文辭時稱北

京三傑

原辭鋒

王勃上武侍極書曰吞九流于筆海若控牛溲抗五岳於辭鋒如臨蟻垤

麗

藻 摘藻

以上白帖

增二陸

機雲見上

二高

魏書傳曰高閭字閭士其文亦

高允之流後稱二

三易

顏之推家訓曰沈隱侯曰文
章當從三易易見事一也易

識字二也易
讀講三也

惠才多

見上文
章二

為文教

吾將以
為文教

吳

均體

徐庾體

吳富體

俱見
上

吳蔡體

元史傳曰蔡
松年文詞清

麗與吳激齊名時號
吳蔡體有集行于世

永明體

見
上

元和體

唐書傳曰
元稹尤長

於詩與白居易名相埒天下傳誦號
典厚楊再思每日
元和體往往播樂府宮中呼元才子

舍人樣

又曰徐
堅屬文

為鳳閣舍人樣

臺閣體

楊士奇
見上

禮部格

蘇舜欽
哀穆伯

長文曰獨為古文其語
深峭宏大羞為禮部格

翰林體

明詩紀事曰黃輝字
平倩南充人異時館

課皆沿襲格套人目為翰林體及王李之學盛行則詞
林又改而從之天下皆謂翰林無文平倩入館乃刻意

為古文傑然自異

唐一篇

朱子曰孟子而後

宋四篇

劉子澄曰

本朝只有四篇文字好太極圖西銘易傳序春秋傳序

名唐二

名宋五

吳澂貢仲

章文集序曰理到氣昌意精詞達如星粲雲爛風行水流名於唐者二名於宋者五而已

原言以

足志文以足言

左傳云子西伐陳陳及鄭平仲尼曰志有之言以足志文以足言不言誰知其

志

言之無文行之不遠

又曰言之無文行之不遠晉為伯鄭入陳非文辭不為功

慎辭

會眾彩以成錦繡集眾字以成辭義

釋名云文者會集眾

彩以成錦繡會集眾字以成辭義如文繡然也

女工有綺縠音樂有鄭衛

漢書

云宣帝令王褒與張子儁等並待詔數從游獵所幸宮館為歌頌第其高下以差賜帛議者多以為淫靡不急

上曰不有博奕者乎為之猶賢乎已辭賦大者與古詩
同義小者辨麗可喜譬如女工有綺縠音樂有鄭衛今
世俗猶皆以此娛說耳目詞賦比之
尚有仁義風諭鳥獸草木多聞之觀
宏邈淫豔非碑

誅之施豔直踊實非詩賦之用

抱朴子

縱橫有義反復

成章

摯虞文章流別論云圖識之屬雖非正文之制然以取其縱橫有義反復成章

炳若緡

繡悽若繁弦

陸機文賦

小文猶寸錦

抱朴子曰小文雖巧猶之寸錦撮□□□

之珍不得近盈尺之璧也

片言以居要

陸機文賦

若滄海之芥

抱朴子云

世謂王充一代英偉漢興以來未有充比若所著文時
有小疵猶鄧林之枯枝若滄海之流芥有未易為貶者

若江漢之潢

又云吾見二陸之文猶元圃積玉方之他人若江漢之潢及其精處妙絕漢魏

之人也

屈原優游按衍

相如窮侈極妙

魏文帝典論云或問屈原

相如之賦孰愈曰優游按衍屈原之尚也浮沉漂淫窮侈極妙相如之長也然原據託譬喻其意周旋綽有餘度長卿子雲意未能及相如封禪靡而不典揚雄美新典而不

實

張瞻注揚雄劇秦美新論云云

孔璋不開詞賦

詳初學記

伯喈長於

為碑

李充起居戒云中世蔡伯喈長於為碑以上北堂書鈔

文王脩文

文王伐崇三旬

不降退脩文德因壘而降

武王偃武

武王克商乃偃武脩文

不在茲乎

文王

既沒文不在茲乎天之將喪斯文也後死者不得與於斯文也

謂之文也

孔子曰敏而好學不

恥下問是以謂之文也

文明以止

人文也

文辭何為

子朝於景王之命文

辭何

兩都賦理勝其辭

三都賦文過其意

陸逵三都賦序

云

子太叔美秀而文

晉公子文而有禮

文足昭

也

辭之輯矣

以上白帖

增稟經以製式酌雅以富言心

雕龍曰若稟經而製式酌雅以富言是仰山而鑄銅煮海而為鹽也

摘詞期之聾悅發

議必在芬香

北齊祖弘敷與陽休之書曰振佩紫臺之上鼓袖丹墀之下采金匱之漏簡訪玉山

之遺文徒敵精神於丘墳盡心力於河漢摘詞期之聾悅發議必在芬香茲自美耳吾無取焉

高文

典冊用相如飛書走檄用枚臯

西京雜記揚子雲曰軍旅之際戎馬之間飛書

走檄用枚臯廟廊之下朝廷之中高文典冊用相如

刻石銘座者取崔蔡論都

及政者宗班固

崔祐甫穆氏四子講藝記曰欲以文經邦者宜賈董欲以文動衆者宜揚馬刻

石銘座云云

整揚馬之牙陣聳曹劉之氣骨

陸希聲李觀文集序曰雖

繇遠窮幽濃腴巖筆酣興健窈眇碎細色詩人之軌憲整揚馬之牙陣聳曹劉之氣骨撥顏謝之物色然未嘗不撥斲治本恒幅道義鉤深於經史觚觔繫乎理化也

舒顏謝之物色藹何劉

之婉雅

姚鉉文粹自序曰至於魏晉文風下衰宋齊以降益以滋薄然其間鼓曹劉之氣燄聳潘陸之

風格舒顏謝之物色藹何劉之婉雅雖風興或鼓而篇翰可觀

山林草野之文朝廷

臺閣之文

吳處厚青箱雜記曰文章有二山林草野之文其氣枯槁著書立言者之所尚也朝廷臺

閣之文其氣溫潤演綸視草者之所尚也

發揮造化之微鼓動江山之氣

韓休蘇頌
集序云云

馳騫古今之際高步天地之間

梁肅補闕
李君集序

云云

八紘馳騁於思緒萬象出沒於毫端

楊炯王勃
集序云云

窮緣情之綺靡盡體物之瀏亮

宇文道廣信
集序云云

斥沈思

於宇外撫流景於目前

王世貞藝苑
危言云云

夢神龜

李商隱
為崔從

事寄彭城公啓曰郭璞神龜每通於夢想

夢金龜

潛確類書曰劉贊夢
吞金龜文思大進

夢吞珠

又謝諤兒時夢吞珠
六十題及長善為詩

夢青鏤管

紀少瑜
見上

夢

丹漆器

劉勰
見上

夢遺墨

酉陽雜俎曰王勃夢人遺
以墨盈袖自是文章日進

夢

裁錦

文章襟喉曰蕭穎士少夢有人授絨百番
開之皆是繡花又夢裁錦因此文思大進

夢五

色筆

鍾嶸詩品曰江淹夢人授以五色筆由是文藻日麗後宿冶亭夢一人自稱郭璞謂淹曰吾有筆在

公處多年可見還淹乃探懷中得五色筆以授之爾後為詩絕無美句時謂之才盡

夢五色雲

南唐野史曰張迥少夢五色雲自天而下因取一團吞之遂精於詩

夢紫文鳥

唐書傳曰張鷟

為兒時夢紫文大鳥五色成文止其庭大父曰吾聞五色赤文鳳也紫文鷟鷟也茲兒壯殆以文章瑞朝廷乎遂命以名登第蘇味道見其所對稱天下無雙員半千數為公卿稱贊驚文詞猶青錢萬選時號鷟青錢學士

夢五色翼

元史傳曰燕公楠母雷氏夢五色巨翼入幃遂生公楠十歲能屬文

夢筆

生花

天寶遺事曰李白少時夢筆頭上生花後天才瞻逸名聞天下

夢仙贈墨

明詩紀事

曰唐寅字伯虎吳縣人少嘗乞夢九鯉仙夢贈墨一丸自是文思並進

夢異鵲集庭

唐書

傳曰崔信明之生五月五日方中有異鵲鳴集庭樹
太史令史良為占曰五月為火火主離離為文日中文
之盛也崔五色而鳴此兒將以文顯及長強
記美文章高孝基曰崔生才富為一時冠

夢瑞芝

產門

鄭濟華川王禕行狀曰前公生之夕山長公夢
五色芝產門楣翌日公生識者以為文章之兆

夢沙石成籀文

見上文
章二

夢筆花如菡萏

見上文
章二

敏

捷駐馬書鞭

魏文帝臨渴賦序云余從上拜壇墓遵渭
水徜徉乎高樹下駐馬書鞭為臨渴賦

駐馬書文

曹植鄜生序頌曰余道經鄜生
之墓聊駐馬書此文於其碑側

書檄應

命立成

晉孫惠事
詳下檄四

露布手不暫停

世說曰桓宣武北
征袁虎時從被責

免官會須露布文喚袁倚馬前令作手不輟筆俄得七
紙殊可觀東亭在側極歎其才袁虎云當令齒舌間得

利

下筆即成

晉應詹事詳下檄四

出口為論

魏志云曹植年十餘歲誦讀詩

論及詞賦數十萬言善屬文太祖常視其文謂植曰汝

人

操翰成章

先賢行狀曰徐幹清元體道六行脩備聰識洽聞操翰成章

筆不

停綴

禰衡鸚鵡賦序云時黃祖太子射賓客大會有獻鸚鵡者舉酒於衡前曰此鳥自遠而至明慧聰善

羽族之可貴願先生為之賦使四生咸共榮觀衡

注

因為賦筆不停綴文不加點

以上北堂書鈔

水箭

唐書傳曰陸康為中書舍人工屬詞敏速如注射言如注水射箭之疾也

下水船

撫言

曰朱梁時姚洎為學士梁祖問及裴延裕曰卿頗知其

泊甚

應詔成賦

文心雕龍神思篇曰枚舉應詔而成賦淮南崇朝而賦騷

擊鉢

成詩

南史傳曰蕭文琰丘令楷江拱並以文學稱竟陵王子良嘗刻燭一寸為詩四韻文琰曰燒一寸燭

成四韻詩何難之有乃與江拱等共擊銅鉢響滅而詩成

二刻便成

梁書傳曰到溉字茂灌時

高祖宴華元殿命羣臣賦詩獨詔溉為二百字二刻便成其文甚美

一夜便就

周書傳曰宗懷

字元標梁元帝鎮荊州令兼記室嘗夕被詔使製龍川廟碑一夜便就帝歎美之

五吏分占

唐書傳曰王勳長壽中為鳳閣舍人壽春等五王出閣有司具儀注忘載冊文羣臣已在乃悟其闕宰相失色

勳召五吏執筆各占其詞粲然皆單人人歎服

七吏分授

又曰岑文本時顏師古為侍郎自武

德以來詔詰皆師古草定及得文本號善職而敏速過之或策令叢遽吏六七人泚筆分口占授咸無遺意

思如湧泉

韓休蘇頲文集序曰若乃天章煥發王命急宣則翰動若飛思如湧泉

辨

如懸河

范傳正李太白墓碑曰天寶初召見於金鑾殿草荅蕃書辨如懸河筆不停綴

優於

七步

唐書傳曰柳公權字誠懸從幸未央宮帝駐輦曰朕有喜邊戎賜衣久不時今仲春而衣已給公權

為數十言稱賀帝曰當賀我以詩宮人迫之公權應聲成文婉切而麗令再賦復無留思帝大悅曰子建七步

爾乃

不待八義

楊基梁園飲酒歌曰五齡琢句對虛實聯青儂黃配奇偶客來當坐賦短

章四韻不侍八義手

駕天高浪

昌黎詩曰崔侯為文苦敏捷高浪駕天輸不盡

立地

書厨

宋史傳曰吳時敏於為文未嘗屬草學者目之曰立地書厨

書吏腕脫

唐書傳曰

蘇頌明皇平內難書詔填委頌在太極殿後閣口所占授功狀百緒輕重無所差書吏曰句公徐之不然手腕

脫矣聽者耳駭才多而體愈迅每述作則筆端風生聽

者耳

下筆立成便得事理

陳書傳曰顏見字元明永
定二年高祖幸大莊嚴寺

其夜甘露降見獻頌詞義談典高祖甚
奇之其表奏詔誥下筆立成雅有氣質

援筆擬之便

有佳致

又曰陸從典字由儀八歲讀沈約集
見迴文研銘援筆擬之便有佳致

援筆立

成理趣不凡

唐書傳曰孫遜幼有文名屬思警敏年十
五見雍州長史崔日用令賦上火爐援筆

立成理趣不凡日
用駭歎因與成交

援筆立成思致清麗

金史傳曰胡
礪天會間大

軍下河北礪為軍士所掠亡匿香山寺與傭保雜處韓
昉見而異之使賦詩以見志礪操筆立成思致清麗

飛書之急馬上立成

席豫楊宣墓碑曰授雋州臺登
縣尉紉南節度使益府長史章

抗奏公為管書記飛
書之急馬上立成

白刃之中搦管即成

唐書傳曰
令狐楚為

太原掌書記鄭儋在鎮暴卒不及處分軍中洵洵將有
急變中夜忽十數騎持刃迫楚至軍門諸將遽令之草
遺表楚在白刃之中搦管即成
讀示三軍無不感泣軍情乃安
如書他人之辭柳開

先生傳曰先生凡作之書每執筆出其
文當豪如書他人之辭其敏速有如此
他人疾書不

過劉定之雜志曰李翱謂退之下筆時他人
疾書之寫誦之不是過也其敏亦至矣
歎賞原

文若雕龍
見上文
文猶積玉
抱朴子云陸機之
文

艷春蘭
傅咸襄邑侯誄云言
文
文譬春華
石崇贈歐陽
建詩云文藻

譬春華談
話如芳蘭
辭藻星布
左太冲
妙句如雲
仲長統昌
言云英才

如雨妙
句如雲
摘藻揚輝
劉珍贊賈逵詩曰摘藻揚輝如
山如雲世有令聞以迄於君

敷藻雲浮

潘尼贈潘岳詩云華茂九春實繁三秋馳思泉湧敷藻雲浮云云

逸藻波

騰

傳咸答曹志書云英氣泉湧逸藻雲騰又潘尼侍中銘云雅論弘博逸藻波騰

彤管雨散

成公綏集云寶翰電流彤管雨散

華若望春

曹植長樂觀畫贊云妙哉平安才巧若神辭賦

之作華若望春

文如瀉水

世說云王長史問孫興公曰郭子元定何如孫曰詞致清雅奕奕有

餘吐章成文如懸河瀉水注而不竭

文雅縱橫飛

劉楨贈五官中郎將詩云涼風吹沙礫霜

氣何皚皚明月照綈幕華燈散炎暉賦詩連篇章極夜不知歸君侯多壯思文雅縱橫飛小臣信頑魯僂俛安

能

散禮風雲起

劉楨詩

桓譚絕才

東觀漢記云桓譚能文有絕才而喜

非毀俗儒由是多見非詆哀平間位不過郎

阮籍神筆

魏志云魏封晉文王為晉公備禮九

錫文王讓不受鄭冲馳遣使從阮籍求其文籍其時在
表孝尼家宿醉扶起作書無所點定時人以為神筆

聖謨洋洋

尚書伊訓曰聖謨洋洋嘉言孔彰

書記翩翩

魏文帝與

元瑜書記翩翩致足樂也

高義厲青雲

劉公幹贈徐幹詩猥蒙惠咳唾既以大雅聲高義厲

青雲灼灼燦華星

高諭逞元妙

朱德懋贈傅氏詩曰猗猗彼君子道遠集華堂高諭逞元

妙彈筆播文章

歎意不可及

傅咸別傳云咸少屬文不貴詞人之賦潁川庾純嘗歎曰傅長

虞之文意不可及也

歎不與同時

漢書司馬相如傳云武帝嘗讀子虛賦而歎善之曰吾獨

不得與此人同時哉

凌前邈後

傅元七謨云陳思王七啟劉氏七華乃凌前而邈後揚清風於

儒林

難與並驅

抱朴子云友人滕永叔問我嵇君道何如人也余答曰一代之偉器難與並驅

也

張載稱為妙賦

詳賦

杜篤誅辭最高

詳誄

讀陳琳

之書翕然愈疾

見下檄二

讀二陸之文恐其卷盡

抱朴子云嵇君

道曰每讀二陸之文未嘗廢書而恐卷盡

得見此人死不恨矣

史記曰韓非者韓之

諸公子也喜刑名法術之學而其歸本於黃老非為人
口吃不能道說而善著書人或傳其書至秦秦王見孤
憤五蠹之書曰嗟乎寡人得見此人與之遊死不恨矣
其人安在吾欲擢之

嵇康

集云康著遊山九吟魏文帝異其文詞問左右曰斯人安在吾欲擢之遂起家為潯陽長

含玉吐

金爛然成章

傳元矯情賦序曰我太宗文皇帝命臣作西征賦又命陳齊諸臣作箴皆含玉吐金

爛然成章

金聲玉振飛影摘光

傳元云

灼以揚其藻斐以

敷其豔

王叔師云屈原宋玉枚乘相如王褒揚雄班固傅毅灼以揚其藻斐以敷其豔

文彩

巨麗慰喻綢繆

吳質答東阿王書云質白信到奉所惠賦發函伸紙是何文彩之巨麗而慰喻

之綢繆乎

終賈杜口揚班韜翰

潘尼贈潘岳詩

筆下摘藻席上

敷珍

潘岳講漢書詩詳史

發言可詠下筆成篇

曹植王仲宣誄云文若春華思

若湧泉發言可詠下筆成篇何道不洽何藝不閑碁局逞巧博奕惟賢

摘文潤世宣論

篤俗

左太冲七諷

元思泉湧筆翰雲生

潘岳庾尚書誄

沈思淵

洞逸藻雲浮

鄭豐贈陸士龍詩

應賓之淵懿溫雅連旨之壯

厲忼慨

摯虞文章流別論云若解嘲之弘緩優大應賓之淵懿溫雅連旨之壯麗忼慨應問之綢繆契

潤郁郁彬彬靡
有不長焉矣

七依之卓轆一致七辨之纏絲精巧

傳元七謨序云若七依之卓轆一致七辨之纏絲精巧
七啟之奔逸壯麗七釋之精密闕理亦近代之所希也

仲宣獨步於漢南 孔璋鷹揚於河朔 偉長擅名

於青土 公幹振藻於海隅

陳思王與楊德祖書云
云以上北堂書鈔

增小東坡

宋史傳曰趙達文章似
蘇軾故稱爲小東坡

小韓子

明方孝
孺見上

乃逢於君

南史傳曰沈約見王筠文歎曰自謝朓諸賢
零落平生意好俱盡不惟疲暮乃逢於君

今復得子

白居易
見上

日下無雙

梁書傳曰伏挺字士
標爲五言詩善效謝

康樂體父友樂安任昉深
賞歎曰此子日下無雙

天下無雙

張鷟見
文章注

一代

詞宗

任昉見上

一代文宗

馬祖常元明善神道碑曰其文出入於秦漢之間蔚乎其華敷

鎖乎其古聲倡古學於當世為一代之文宗者柳城姚燧暨公而已

後來獨秀

南史傳曰王筠

嘗以詩贈沈約約報書歎詠又嘗為筠叔

後來之英

志曰賢子弟文章之美可為後來獨秀

唐書傳曰徐浩有文辭張說薦為集賢校理見喜雨五色鵠賦咨嗟曰後來之英也

文中鳴鳳

文心雕龍曰葷翟簡色而翔翥百步肌豐而力沈也鷹隼無采而翰飛戾天骨勁而氣猛也文章才力有似於

此若風骨乏采則驚集翰林采乏風骨則雄竄文囿若藻耀而高翔固文中之鳴鳳也

文中騏驎

驎石介贈張績禹功詩曰吾宋興國末文人如櫛比黃州才專勝漢公氣全粹晦之號絕羣平地走虎兕謂

之雖駸騏驎亦

辭鋒犀利

唐書傳曰令狐楚辭鋒犀利絕人遠甚

波瀾

老成

杜甫詩曰毫髮無遺憾波瀾獨老成

得中和氣

唐書傳曰許景先神龍初東都造服

慈閣景先獻賦李迥秀見其文歎曰是宜付太史與齊游王丘韓休張九齡更知制誥以雅厚稱張說曰許舍

人之文雖乏峻峰急流然辭旨豐美得中和之氣

有老成風

盧藏用陳子昂集序曰漢興二

百年賈誼司馬遷為之冠冕文章禮樂有老成人之風

文苑羽儀

駱賓王集曰並文苑之羽

儀詩人之龜鑑

國風哲匠

顏真卿孫遜文集序曰洵可謂人文之宗師國風之哲匠

輦

金如山

劉禹錫祭韓吏部文曰公鼎侯碑志隧表阡一字之價輦金如山

謁文成市

見文章二

錢稱萬選

張鷟見上

篇易一金

唐書傳曰白居易最工詩雞林行賈

售其國相率篇易一金其偽者輒能辨之

文陣雄帥

南部煙花記曰張九齡嘗覽蘇廷碩文謂

同列曰蘇生之俊瞻
無敵真文陣雄帥也

文章司命

李泰伯文集曰韓退之文章司命

文章老宿

李嶠見上

文章宗祖

宋史傳曰蘇軾高宗以其文置左右讀之終日不倦

謂為文章之宗祖神宗尤愛其文宮中讀之膳進忘食稱為天下奇才

筆能扛鼎

韓愈詩曰

文章日娛戲金石相擊撞龍文百斛鼎筆力獨能扛

筆可回牛

黃庭堅與秦少游詩曰東南淮

海維揚州國士無雙秦少游欲攀天閭無九虎但有筆力回萬牛

稱為李北海

唐書傳曰

李邕之文於碑頌是所長人奉金帛請其文前後所受鉅萬計邕雖詘不進而文名天下稱李北海

必

曰穆參軍

穆脩見上

歎今之伯喈

梁書傳曰陸雲公字子龍製秦伯廟碑吳興太

守張纘罷郡經途讀其文嘆曰今之伯喈也

歎後來王粲

唐書傳曰蘇晉數歲知為文作

八卦論吏部侍郎房穎叔祕書少監王紹宗歎曰後來之王樂也

歎江左以來未有

南史傳曰顧協字正體舉秀才尚書令沈約覽其策而歎曰江左以來未有斯作

歎郊居以

後無此

梁書傳曰劉杳字士深著林庭賦王僧辨見之歎曰郊居以後無復此作

歎三都

為之作序

世說曰左思作三都賦請序於皇甫謐謐見之嗟歎遂為作序於是相訾者莫不斂衽贊

述歎汜池為之延譽

晉書傳曰張載為汜池賦司隸校尉傅玄見而嗟歎以車迎之

言談竟日為之延譽遂知名

歎謫仙人

李白見上

歎王佐器

宋史傳曰楊億

見王曾賦嗟歎曰乃王佐器也

歎賦帝京篇

唐書傳曰李百藥七歲能屬文帝嘗與偕賦帝

京篇歎其工手詔曰卿何身老而才之壯齒宿而意之新乎

歎賦龍虎臺

元史傳曰馬祖

常文宗駐蹕龍虎臺祖常應制尤被歎賞謂中原碩儒惟祖常云

歎不在弟子之列

宋史傳曰劉顏著儒術通要經濟樞言石介見其書歎曰恨不在弟子之列

歎不與李翱

上下

歐陽脩讀李翱文曰最後讀幽懷賦然後置書而歎不已恨翱不生於今不得與之交又恨余不得

生翱時與翱上下其論也

一文一詠雲輒嗟賞

梁書傳曰何遜字仲言范雲見其對

策大相稱賞因結交好自是一文一詠雲輒稱賞謂所親曰頃觀文人質則過懦麗則傷俗其能合清濁中今

古見之何生

每有一作屢加賞進

李貽孫歐陽詹文集序曰故相常袞來為閩之

觀察使有文章高名推拔於寒素中至之日比君為芝英每有一作屢加賞進

是子且有海

內名

唐書傳曰李乂工屬文中書令薛超曰是子且有海內名

異日必得名天下

宋史傳曰胥偃少力學河東柳開見其所為文曰異日必得名天下

殘膏賸馥霑旣後

人

注見上人文章二

筆端膚寸膏潤天下

劉禹錫云

數十年後無

斯文

蘇軾見釋先生詩文集序曰先君適京師歸以魯人見釋先生詩文十數篇示曰小子識之後數十年

天下無復為斯文者也

二百年來無此作

歐陽修梅聖俞墓志曰初在河南王文康

公見其文曰二百年來無此作矣

契丹高麗皆傳其文

宋史傳曰范鎮學本六經

不為釋老申韓之說契丹高麗皆傳誦其文

殊方異域咸慕其名

元史傳曰范梈

為文章善叙事語簡而當詩尤清婉麗密朝廷大典冊及元勳茂德當代銘辭必以命焉殊方異域咸慕其名得其文莫不以為榮

家傳墓版得請者以為榮

獨孤及李華中集序曰吳之士

君子撰家傳修墓版及郡邑頌賢守宰功德者靡不
齎貨幣帛越江湖求文於公得請者子孫以為榮

武夫悍卒得知其文為重

貝瓊楊鐵崖傳曰武夫悍卒識與不識皆知其文為重

新羅傳黑水碑

唐書傳曰源寂使新羅其國人傳定黑水碑畫鶴記韋休符使西蕃所館

寫定商山

日本購潛溪集

樓璉潛溪續文粹序曰海外殊絕罕至之國朝貢之

記於屏

使接於國門必問公安否購公文集以歸日本至摹刻傳誦於其境內

萬象鼓舞入有

名之地五音繁難出無聲之境

張說洛州張司馬集序云云

動搖

文律宮商有奔命之勞沃蕩辭源河海無息肩之地

楊炯

王勃集序云云

詭然而蛟龍翔蔚然而虎鳳躍

李漢韓昌黎文集序曰汗

漫卓蹀躞泣澄深詭然而蛟龍翔
蔚然而虎鳳躍鋸然而韶濩發

文章五

增詩唐錢起美楊侍郎清文見示詩曰層峰與清流逸
勢競奔感清文不出戶仿佛皆在目霧雪看滿懷蘭茝
坐盈掬孤光碧潭月一片崑崙玉初見歌陽春韶光變
枯木再見吟白雪便覺雲肅肅則知造化源方寸能展
縮 孟郊酬友人見寄新文詩曰白日照清水淺深無
隱姿君子業高文懷抱多正思砥行碧山石結交青松

枝碧山無轉移青松難傾移落落出俗韻琅琅大雅詞
自非隋氏掌明月安能持千里不可到一返無近期如
何非意中良覲忽在茲道語必疎澹儒風易凌遲願存
貞堅節勿為霜霰欺

原賦晉陸機文賦曰余每觀文士之作竊有以得其用
心夫其放言遣辭良多變矣妍蚩好惡可得而言每自
屬文尤見其情恒患意不稱物文不逮意非知之難能
之難也故作文賦以述先士之盛藻因論作文之利害

所由他日殆可謂曲盡其妙佇中區以玄覽頤情志於
典墳遵四時以歎逝瞻萬物而思紛悲落葉於勁秋喜
柔條於芳春心慄慄以懷霜志眇眇而凌雲詠世德之
駿烈誦先人之清芬慨投篇而援筆聊宣之乎斯文其
始也皆收視反聽耽思傍訊精騫八極心遊萬仞其致
也情曛曠而彌鮮物昭晷而互進傾羣言之瀝液漱六
藝之芳潤於是沈辭怫悅若游魚銜鉤而出重淵之深
浮藻聯翩若翰鳥纓繳而墜曾雲之峻收百世之闕文

探千載之遺韻謝朝華於已披啟夕秀於未振觀古今
於須臾撫四海於一瞬然後選義按部考辭就班抱景
者咸叩懷響者畢彈或因枝以振葉或緣波而討源或
妥帖而易施或齟齬而不安籠天地於形內挫萬物於
筆端伊茲事之可樂固聖賢之所欽課虛無以責有叩
寂寞而求音函縣邈於尺素吐滂霈乎寸心言恢之而
彌廣思按之而愈深播芳蕤之馥馥發清條之森森粲
風飛而颺豎鬱雲起乎翰林故夫夸目者尚奢愜心者

貴當言窮者無隘論達者惟曠詩緣情而綺靡賦體物而瀏亮碑披文以相質誄纏絲而悽愴銘博約而溫潤箴頓挫而清壯頌優游以彬蔚論精微而朗暢奏平徹以閑雅說煒燁而譎誑雖區分之在茲亦禁邪而制放要詞達而理舉故無取乎冗長其為物也多姿其為體也屢遷其會意也尚巧其遺言也貴妍暨音聲之迭代若五色之相宣或仰偁於先條或俯侵於後章或辭害而理比或言順而義妨離之則雙美合之則兩傷考殿

最於錙銖定去留於毫芒立片言以居要乃一篇之警
策雖衆辭之有條必待茲而效績或藻思綺合清麗芊
眠爛若縟繡悽若繁絃必所擬之不殊乃閤合乎曩篇
雖抒軸於予懷忭他人之我先石韞玉而山輝水懷珠
而川媚彼榛楛之勿翦亦蒙榮於集翠或寄辭於瘁音
言徒靡而弗華混妍媸而成體累良質而為瑕象下管
之偏疾故雖應而不和或奔放以諧合務嘈囋而妖冶
徒悅目而偶俗固聲高而曲下寤防露與桑間又雖悲

而不雅或清虛以婉約每除煩而去濫闕太羹之遺味
同朱絃之清汜雖一唱而三嘆固既雅而不豔若夫豐
約之裁俯仰之形因宜適變曲有微情或言拙而喻巧
或理樸而辭輕或襲故而彌新或沿濁而更清或覽之
而必察或研之而後精譬猶舞者赴節以投袂歌者應
絃而遣聲是蓋輪扁所不得言故非華說之所能精普
辭條與文律良余膺之所服雖濬發於巧心或受嗤於
拙目彼瓊敷與玉藻若中原之有菽同橐籥之罔窮與

天地乎並育若夫應感之會通塞之紀來不可過去不可止藏若影滅行猶響起思風發乎宵臆言泉流于脣齒紛葳蕤以馭還惟豪素之所擬文徽徽以溢目音泠泠而盈耳及其六情底滯志徃神留兀若枯木豁若涸流覽營魂以探蹟頓精爽而自求理翳翳而愈伏思軋軋而若抽是故或竭情而多悔或率意而寡尤伊茲文之為用固衆理之所因配霑潤於雲雨象變化乎鬼神被金石而德廣流管絃而日新

增訓明王禕文訓曰華川王生學文於豫章黃太史公
三年而不得其要俵俵焉食而不知其味皇皇焉寢而
不安其居望望焉如有求而不獲也太史公一日進生
而訓之曰子之學文有年於茲志則勤矣吾聞天地之
間有至文焉子豈嘗知之乎夫雲漢昭回日星宣朗煙
霞卷舒風霆鼓盪者天文之所以暢山岳錯峙江河流
行鳥獸蕃衍草木茂榮者地文之所以成天地之文不
能以自私誕敷於人人則受之故聖賢者出以及壞人

峻士相繼代作莫不大肆於厥辭蓋自孔氏以來茲道
大闡家脩人勵致力於斯其間鞠明究曠疲敝歲月利
精竭思耗費簡劄者紛趨而競馳孰不欲爭裂綺繡仰
攀日月高視萬物之表雄峙百代之下卓然而有為然
而蹶躅而不進骫骳而不振思窮力蹙吞志而歿者往
往而是而能登名文章之籙者其實無幾則所謂至文
者固夫人所罕知子豈嘗知之其試以語我生曰文之
為物貴適時好粲然相接合喜投樂有如正始不完文

氣遂偏俗尚化遷而排偶之習興焉四屬六比駢諧儷
聯抽黃對白調朱施鉛五采相宣八音相便握擣穠纖
吟哢寒暄豐腴醲酣眩麗媚妍珠璣溢絨膾滿篇又
如大雅既遠詩歌日變玉臺西崑其流也漸支為詞曲
爭嫩競豔字分重輕句協長短浮聲切響清濁和閒羽
振宮潛商流徵泛笙簧觸手錦繪迷盼風月留連鶯花
凌亂振妙韻於沈冥託葩辭於清婉性情因之而暢宣
光景因之而呈獻好會睽離歡欣悲歎莫不假是以託

情固無間於貴賤也若是者其為文何如太史公曰古語變而四六古聲變而詞曲文之弊也甚矣請置勿道為言其他生曰命鄉選士之法廢而科舉乃興以文取士設為範程漢有射策唐有明經復有詩賦逮宋益增經行為義而三篇以明賦本於律而八韻以成咸各專其科各精其能其義則意融古切言粹辭達枝語蔓引叢論英發剗聖秘而立辨幹天機而生說其賦則句練字戛音覈韻軋藻秀春擷花豔晴掇校妍醜於錙銖品

抑揚於毫髮他若宏詞制舉大科別設文法靡不該文
格罔弗列又必學稱博極才號閎傑乃能攻其業凡習
於斯者若賈勇詞場角雄藝闥不厲兵而白戰爭奪弧
而先拔若工若拙三年是力若勝若劣一日而沒及其
中文衡入文彀則遂圍棘聲徹榜金名揭上賢書於天
府承洪恩於帝闕乃躋膺仕乃展遐轍若卿若相鮮不
由茲而出矣上以此而求賢士以此而致身文之用世
信不可誣也歟太史公曰科舉之文趨時好以取世資

特干祿營寵之具耳學古之君子恥言之生曰文之古者登諸金石記誌頌銘具有成式或鐘鼎是勒或琬琰是刻或鐫於麗牲懸紼之碑或鐫於封嶽磨崖之壁莫不炫燿崇勲烜焯茂德載丕丕之嘉猷紀赫赫之休績然皆一筆之力九鼎可扛一字之價千金是值爾其雄奧之思雅健之姿瑰瑋之辭攢撫馬班凌厲蔡陳蹂躪韓柳玉采金聲焜焜煌煌錡錡衮章繡紋炳炳烺烺續續紆紆詭然而蛟龍翔蔚然而虎鳳昂翕然而律

呂張正音諧韶濩變態類雲霆勁氣排甲兵沈冥以之
而開塞幽閔以之而著宣逖遠以之而繇延然非儒林
宗匠藝營宿將擅鴻筆攬魁柄稱文章之大家者孰當
仁而不讓此其為文也不幾于古乎太史公曰文至於
是謂之古宜也雖然其為用殆不止是已生曰朝廷之
上有巨文焉典謨誓誥制冊令詔謁為王言渙為大號
而帝王之制作存焉灝灝噩噩渾渾洋洋凌厲蓬字揮
霍奮揚或溫潤而精粹或宏偉而秀雄或嚴肅而簡重

或衍裕而深長經緯天地橐籥陰陽黼黻萬化轆轤三
光封職則氣含陰雨之潤授官則義炳重離之明敕戒
則吐皇漢之華治戎則揚潏雷之轟肆赦則垂滋於春
露明罰則示烈於秋霜一字之褒沛漏泉於下地一言
之感被挾纊於黎蒸朝出九重暮行四方如風動而草
偃如山鳴而谷應奮迅乎寓外旁薄乎域中鼓舞乎廣
夏陶鎔乎帝王文章之用蓋與造化而侔功矣若是何
如太史公日記曰王言如絲其出如綸詩曰辭之輯矣

民之協矣辭之繹矣民之莫矣文之為用誠莫盛於此
矣姑舍是豈無復有可聞者乎生曰文之難者莫難于
史故良史之才古今或無皇道帝德王略霸圖運祚興
衰治道隆污將相卿士武烈文謨賢智忠孝兇慝姦諛
天文五行地理河渠禮樂兵刑食貨賦租選舉職官冕
服車輿凡一代之本末皆藏乎史故曰史者一代之成
書是故事以實之辭以給之法以立之例以律之作史
之要必備乎此然非其能足以通古今之體明足以周

萬事之理智足以窮難知之意文足以發難顯之義者
曾烏得以稱良史蓋自紀表志傳之制馬遷創始班固
繼作綱領昭昭條理鑿鑿三代而下史才如二子者可
謂特起拔出雋偉超卓及乎蔚宗陳壽之流則遂肆意
妄纂曲筆濫竽曖昧其本旨而義駁以偏破碎其大體
而辭謏以纖況乎范陳之不若者則又卑陋而無足觀
矣故史所以明乎治天下之道而為之者亦必天下之
才然後勝其任茲其所為難乎太史公曰噫史之為文

誠難乎其盡美矣文而為史誠極天下之任矣抑吾聞
之文有二有紀事之文有載道之文史者紀事之文於
道則未也生曰聖人既沒道術為天下裂諸子者出各
設戶分門立言以為文是故管夷吾氏以霸略為文鄧
析氏以兩可辨說為文老聃氏以兼要執本持謙處卑
為文列禦寇氏以黃老清淨無為為文墨翟氏以貴儉
兼愛上賢明鬼非命上同為文公孫龍氏以堅白名實
為文莊周氏以通天地之統序萬物之性達生死之變

為文慎到氏以刑名之學為文申不害氏韓非氏復流
於深刻之文尹文氏又合黃老刑名為文鬼谷氏以稗
闔為文蘇秦氏張儀氏因肆為縱橫之文孫武氏吳起
氏以兵形軍勢圖國料敵為文荀卿氏揚雄氏則以明
先聖之學為文淮南氏則以總統道德仁義而蹈虛守
靜出入經道為文凡若此者殆不可遽數也雖其文人
殊而其於道未始不有明焉譬猶水火相滅亦以相
生和敬相反亦以相成易所謂天下一致而百慮同歸

而殊途者言本於一揆而已文以載道其此之謂乎太史公曰諸子之文皆以明夫道固也然而各引一端各據一偏未嘗窺夫道之大全人奮其私智家尚其私談支離頗僻馳騁鑿穿道之大義益以乖大體益以殘矣此固學術之弊而道之所以不傳也生曰聖人之文厥有六經易以顯陰陽詩以道性情書以紀政事之實春秋以示賞罰之明禮以謹節文之上下樂以著氣運之虧盈凡聖賢傳心之要帝王經世之具所以建天衷奠

民極立天下之大本成天下之大法者皆於是乎有徵
斯蓋羣聖之淵源九流之權衡百王之憲度萬世之準
繩猶之天馬則昭雲漢而揭日星布煙霞而鼓風霆猶
之地馬則山嶽峙而江河行鳥獸蕃而草木榮故聖人
者參天地以為文而六經配天地以為名自書契以來
載籍以往悉莫與之京斯其為文不亦可以為載道之
稱也乎太史公輟然而驚喟然而歎曰盡之矣其蔑有
加矣此固載道之器而聖人之至文矣嗟乎世之學者

無志乎文則已苟有志焉舍是無以議為矣是故本之
詩以求其恒本之易以求其變本之書以求其質本之
春秋以求其斷本之樂以求其通本之禮以求其辨夫
如是則六經之文為我之文而吾之文一本於道矣故
曰經者載道之文文之至者也後聖復作其蔑以加之
矣今予知及乎此則於文也其進孰愈焉特在加之意
而已矣生於是再拜謝曰謹受教敢不拳拳服膺是則
是效以無忝夫子之訓告

增贊宋孫何文贊曰堯制舜度綿今亘古周作孔述炳
星灼日是曰六經為世權衡萬象森羅五常混并游夏
之徒得粗喜精空傳其道無所發明後賢誰嗣惟軻及
卿仁門義輿我有典型聖人觀之猶足化成羸侯劉帝
屈指西京仲舒賈誼名實絕異相如子長才智非常較
其工拙互有否臧揚雄歛馬刷翼孤翔可師數子擅文
之場東漢而下寂無雄霸疊疊建安格力猶完當塗之
後文失其官家懷往迹戶掠陳言陵夷怠惰至於江左

輕淺淫麗迭相唱和聖心經體盡墜於地千詞一語萬
拈一意縫煙綴雲圖山畫水駢枝儷葉顛首倒尾治亂
莫分興亡不紀齊傾梁絕陳傾隋圯奕奕李唐木鐸再
揚文之紀綱斷而更純鉅手魁手磊落相望凌轢百代
直趨三王續典紹謨韓領其徒還雅歸頌杜統其衆土
德旣衰文復喧卑制誥之俗儕於四六風什之訛鄰於
謳歌懷經囊史孰遏顏波出入五代兵戈不稱天祐斯
文啟我大君蒲帛詔聘鴻碩紛綸邪返而正漓澄而醇

凡百儒林宜師帝心語思其工意思其深勿聽淫哇喪其雅音勿視彩飾亡其正色力樹古風坐臻皇極無俾唐文獨稱往昔賤臣司箴歌告執事

增書唐裴度寄李翱書曰文之異者在氣格之高下思致之淺深不在磔裂章句隳廢聲韻也人之異者在神氣之清濁心志之通塞不在倒置眉目反易冠帶也又曰三五之代上垂拱而無為下不知其帝力其微被於天地萬物不可得而傳也殷周之際聖賢相遇其文

在於盛德大業又鮮得而傳也 宋蘇轍上韓太尉書

曰轍生好為文思之至深以為文者氣之所形然文不可以學而能氣可以養而至 張耒答李推官書曰學文之端急於明理夫淩水於江河淮海順而行之滔滔汨汨日夜不止衝砥柱絕呂梁其舒為淪漣鼓為波濤蛟龍魚鼈噴薄出沒因其所遇而變生焉溝瀆東淩而西涸下滿而上虛日夜激之欲見其奇只蛙蛭之玩耳江淮河海理道之文也不求奇而奇至矣激溝瀆而求

水之奇此無見於理而欲以言語句讀為奇之文也

方希古與趙伯欽書曰近世之文辭所以不古若者以
文辭為業而不知道術今有至乎窮谷者言其所見則
不過泉石樹木禽獸蟲魚之狀而已比遊乎雄都巨邑
者見宮室之壯麗車馬之蕃庶人民物產之瑰異變怪
其言豈不有間哉故聖賢之文辭所以不可及者造道
深而自得者遠 朱夏答程伯大論文書曰古之為文
非有意於文也若風之於水適相遭而文生也故鼓之


而為濤含之而為漪颺之而為穀澄之而為練激之而為珠璣非水也風也二者適相遭而文生也天之於文也獨不然乎纖者濃者丹者堊者莫不極其美麗而造物者豈物物而雕之哉彼昧於此者三年而刻楮

增序唐劉禹錫呂溫文集序云五行秀氣得之居多者為雋人其色激濫於顏間其聲發而為文章天之所與有物來相元吳澂別趙子昂序曰為文而欲為一世之人好吾悲其文為文而使一世之人不好吾悲其人

明楊守陳誠意伯劉基集序曰發之文辭若四嶽之
出雲無窮若大海浩茫中蓄蚪螭鯢鱣鼉之屬觀者
駭愕而莫能名然皆載道之航輪濟世之梁帛屠隆
漢魏叢書序曰羲農太古其文則隱周孔神聖其文則
經顏曾溫溫其文粹美子輿巖巖其文高雋莊列超曠
其文洸洋靈均忠憤其文悽怨左氏瞻博其文華苑
增論晉摯虞文章流別論曰文章者所以宣上下之象
明人倫之叙窮理盡性以究萬物之宜者也王澤流而

詩作成功臻而頌興敷德立而銘著嘉美終而誄集祝
史陳辭官箴王闕

增說宋蘇軾雜說曰吾為文如萬斛泉源不擇地皆可
平地滔滔汨汨雖一日千里無難及其與石山曲折隨
物賦形而不可知也所可知者常行於當行止於不可
不止如是而已矣



御定淵鑑類函卷一百九十六